



DS  
735  
A2Y86  
1771<sub>2</sub>  
v. 36









御批歷代通鑑輯覽卷之七十一

五季

宋太祖開寶七年以前附

已周顯德六年六月恭帝宗未訓立是歲凡五國三鎮春正月周命王朴作律準定

大樂

初有司將立正仗宿設

前一夕設之也

樂縣于殿庭周主觀之

見鐘磬有設而不擊者問樂工皆不能對乃命竇儼討

論古今考正雅樂以王朴素曉音律詢之朴具疏以對

疏曰禮以檢形樂以治心形順于外心和于內然而天

下不治者未之有也夫樂生于人心而聲成于物物聲

既成復能感入之心昔黃帝吹九寸之管得黃鍾正聲

半之為清聲倍之為緩聲三分損益之以生十二律旋

相為宮以生七調為一均凡十二均八十四調而大備

遭秦滅學歷代罕能用之唐祖孝孫考正大樂其法始

備安史之亂十亡八九至于黃巢蕩盡無遺時有博士

殷盈孫鑄鍾十二編鐘二百四十處士蕭承訓校定



石磬。今之在縣者是也。雖有鐘磬之狀。殊無相應之和。其鑄鐘不問音律。但循環而擊。編鐘。編磬。徒縣而已。絲竹匏土。僅有七聲。黃鍾之宮止存一調。蓋樂之缺壞。無甚于今。陛下臨視樂縣。知其亡失。以臣嘗學律呂。宣示古今樂錄。命臣討論。乃依古法。以秬黍用羊頭山定尺。

臣雖不敏。敢不奉詔。一黍為分。十黍為寸。十寸為尺。長九寸。徑三分。為黃鍾之管。與今黃鍾

之聲相應。因而推之。得十二律管。眾管互吹。用聲不便。

乃作律準。十有三絃。其長九尺。朱子曰京房始作律準。梁武帝謂之通。其制十

有三絃。一絃是全律。考律準中央一絃。下畫分寸。以為六十律。清濁之節。故曰全律。皆應黃鍾

之聲。以次設柱為十一律。第八絃為林鍾。第三絃為太

姑洗。第十二絃為應鍾。第七絃為蕤賓。第二絃為大呂。

第九絃為夷則。第四絃為夾鍾。第十一絃為無射。第六

絃為仲呂。及黃鍾清聲。第十三絃為旋用七律。以為一均。一

中調之為均之主者。宮也。徵。商。羽。角。變宮。變徵。次焉。發

一終也。



其均主之聲。歸乎本音之律。迭應不亂。乃成其調。凡八十四調。歌奏之曲出焉。朴又言。此法久絕。出臣獨見。乞集百官校其得失。詔從之。百官皆以爲然。乃行之。樂成而和。

二月。周導汴水入蔡水。

卽閔河。注見前。

以通陳潁之漕。

自是以西南爲閔河。東南爲蔡河。後又改曰惠民河。

周減行苗使所奏美田。

開封府奏。田稅舊一十萬二千餘頃。今按行得美田四萬二千餘頃。敕減三萬八千頃。諸州使還奏。所減之數仿此。

周淮南饑。



淮南饑。周主命以米貸之。或曰：民貧恐不能償。周主曰：民吾子也。安有子倒懸而父不爲之解哉？安在責其必償也。

三月。周樞密使王朴卒。

朴剛銳明敏。志畧過人。及卒。周主臨其喪。以玉鉞卓地。慟哭數四。不能自止。

夏四月。周主自將伐遼。五月。取瀛。莫易。置雄霸州。遂趣幽州。有疾乃還。

周主以北鄙未復。下詔親征。命親軍都虞候韓通等將水陸軍先發。四月。通自滄州治水道。入遼境。柵于乾寧軍。唐置遼于軍置寧州。明改曰青縣。今屬天津府。南補壤防。開游口三十六。遂



通瀛莫車駕至滄州。卽日帥步騎數萬直趣遼境。非道

所從。民間皆不之知。遼寧州刺史王洪舉城降。詔以韓

通爲陸路都部署。趙匡爲水路都部署。自御龍舟至

益津關。後唐置。今新州是。遼守將終廷輝以城降。自是水路漸

隘。乃登陸而西。趙匡先至瓦橋關。遼守將姚內斌。平

盧龍人。莫州刺史劉楚信皆舉城降。五月朔。侍衛都指揮

使李重進等引兵繼至。遼瀛州刺史高彥暉。薊州漁陽人。舉

城降。于是關南悉平。宴諸將于行宮。議取幽州。諸將曰。

陛下離京四十二日。兵不血刃。取燕南之地。此不世之

功也。今虜騎皆聚幽州之北。未宜深入。周主不悅。是日

趣先鋒都指揮使劉重進。幽州人。先發。據固安。隋縣。今屬順天府。



自至安陽水。

在固安縣北。拒馬河支流也。

命作橋。會日暮。還宿瓦橋。

是夕不豫而止。孫行友拔易州。擒遼刺史李在欽獻之。

斬于軍市。以瓦橋關爲雄州。

今雄縣是。屬保定府。

益津關爲霸州。

今屬順天府。

命韓令坤、陳思讓

字後已。盧龍人。

戍之。遂還大梁。

六月。河決原武。周發近縣民夫塞之。

唐泉州遣使人貢于周。不受。

唐清源節度使留從効遣使人貢。請置進奏院于京師。

詔報之曰。江南近服。方務綏懷。卿久奉金陵。未可改圖。

若置邸上都。與彼抗衡。受而有之。罪在于朕。

唐城金陵。

唐遣鍾謨入貢于周。周主曰。江南亦治兵修守備乎。對



曰。既臣事大國。不敢復爾。周主曰。不然。歸時則爲讐敵。今日則爲一家。吾與汝國大義已定。保無他虞。然人生難期。至于後世。則事不可知。歸語汝主。可及吾時完城郭。繕甲兵。據守要害。爲子孫計。謀歸以告唐主。乃城金陵。凡城郭不完者葺之。戍兵少者益之。

周主立其子宗訓爲梁王。

初。宰相屢請王諸皇子。周主曰。功臣之子。皆未加恩。而獨先朕子。能自安乎。至是不豫。乃封宗訓爲梁王。生七年矣。

周以魏仁浦同平章事。

周主欲相仁浦。議者以仁浦不由科第爲疑。周主曰。自



古用文武才畧爲輔佐者。豈盡由科第邪。乃以王溥范質皆參知樞密院事。仁浦同平章事。樞密使如故。仁浦謙謹。周主性嚴急。近職有忤旨者。仁浦多引罪歸已。以救之。所全活什七八。故雖起刀筆吏。致位宰相。時人不以爲忤。

周以趙匡胤爲殿前都點檢。

胡三省注。後唐始置大內都點檢官。至後周。選驍勇之士。

充殿前諸班。置殿前都點檢。在都指揮使之上。

先是周主自關南還。在道閱文書。于篋中得木長三尺

餘。題云點檢作天子。時張永德爲都點檢。永德周懿親

永德妻。周太祖女。有功。周主疑焉。至是以匡胤代之。

周主榮殂。梁王宗訓立。

是爲周恭帝。

周主大漸。召范質等入受顧命。謂曰。王著

字成象。潘邸單父人。



故人朕若不起當相之質等出相謂曰若終日遊醉鄉

豈堪為相慎毋泄此言是日周主昀諡睿武孝文皇帝廟號世宗梁

王宗訓即位世宗在藩多務輜晦及即位破高平之寇

犯攻城對敵矢石落其左右畧不動容應機決策出人

意表又勤于為治發姦摘伏聰察如神閒暇則召儒者

讀前史商摧大義性不好絲竹珍玩之物嘗言朕必不

因喜賞人因怒刑人又言太祖養成王峻王殷之惡致

君臣之分不終故羣臣有過則面質責之服則赦之有

功則厚賞之文武參用各盡其能人無不畏其明而懷

其惠故能破敵廣地所向無前然用法太嚴羣臣執事

小有不舉往往寘之極刑雖素有才幹聲名無所開有

尋亦悔之末年寢寬登遐之日遠邇哀慕焉

秋七月周以趙匡領歸德軍節度使

唐鑄大錢

唐自淮上用兵及割江北以事周歲時貢獻府藏空竭



錢少物貴鍾謨請鑄大錢一當五十韓熙載請鑄鐵錢唐主從謨計鑄當十大錢文曰永通泉貨又鑄當二錢文曰唐國通寶

九月唐太子莫卒唐主以其子從嘉

字重光唐主第六子

爲吳王居

東宮殺禮部侍郎鍾謨

謨數奉使入周周世宗及唐主皆厚待之恃此驕橫嘗

與天威都虞候張巒屏人夜語樞密副使唐鎬譖其有

異謀又言大錢民多盜鑄犯法者多會太子莫卒唐主

欲立鄭王從嘉謨與紀公從善

字子師唐主第七子

善言于唐主

曰從嘉德輕志懦又酷信釋氏非人主才從善果敢疑

重宜爲嗣唐主由是怒從從嘉爲吳王居東宮謨請令



張巒以所部兵巡徼都城唐主乃下詔暴謨罪流饒州  
貶巒宣州副使未幾皆殺之廢永通錢

南漢殺其尚書右丞鍾允章

番禺人

以龔澄樞為內太師

南漢主鋹以允章藩府舊僚擢為尚書右丞參政事甚

委任之允章請誅亂法者數人以正綱紀鋹不能從宦

官聞而惡之內侍監許彥真告允章欲作亂玉清宮使

龔澄樞內侍監李托

封州人

等共證之乃收允章斬之自

是宦官益橫未幾以澄樞為內太師軍國之事皆取決

焉凡羣臣有才能及進士狀頭皆先下蠶室然後得進

亦自有官以求進者由是宦者近二萬人貴顯用事

之人大抵皆宦者也謂士人為門外人不得預事卒以亡國

唐以洪州為南都

宦官橫屏士人為門外  
乃此輩通病至羣臣非下  
蠶室不得任用則自昔所  
無國事混濁若此不亡何  
待彼時無耻之徒竟甘心  
自宮求進更無復情理矣



他日廣州敗降盛服數百  
輩駢首就戮狐貉同盡一  
邱死且餘莫雖噬臍亦奚  
及乎

唐以金陵去周境纔隔一水洪州險固居上游議徙都  
之羣臣皆不欲徙惟樞密副使唐鎬勸之乃以洪州爲  
南都命曰南昌府

遼遣使如唐周人殺之

遼主遣其舅使于唐周泰州團練使荆罕儒冀州信都人募

刺客使殺之自是遼與唐絕

庚周恭帝宗訓元年宋太祖神德皇帝趙匡  
申胤建隆元年是歲周亡宋代凡五國三鎮春正月周殿

前都點檢趙匡胤稱皇帝國號宋廢周主宗訓爲鄭王周

侍衛副都指揮使韓通死之後周自太祖至恭  
帝凡三主合九年

先是周鎮定二州言北漢會遼兵入寇至是正月辛丑

朔遣趙匡胤率兵禦之殿前副都點檢慕容延釗太原人



陳橋兵變論者疑宋主實  
與其謀蓋彼時匡義以手  
足之親趙普以腹心之寄  
毅然部分復入帳中密白  
使非微窺宋祖隱微豈至  
若此且其受命而出因變  
而返遽行禪代絕無愧辭  
更足惑後人訾議雖當時  
朝不易位市不易肆其後  
布武修文撥亂反正而其  
得國之不以道又豈能曲  
爲原諒哉

將前軍先發時主少國疑中外乃密有推戴匡胤之意

都下謹言將以出軍之日冊點檢爲天子士民恐怖爭

爲逃匿計惟內廷晏然不知癸卯大軍繼出軍校苗訓

見日下復有一日黑光摩盪者久之苗訓指示匡胤親吏楚

昭輔曰此天命也苗訓河中人楚昭輔字拱辰宋州

人宋城是夕次陳橋驛注見將士相聚謀曰主上幼弱我

輩出死力破敵誰則知之不如先冊點檢爲天子然後

北征未晚也都押衙李處耘潞州上黨人具以事白匡胤弟

供奉官都知匡義即宋太宗及歸德掌書記趙普匡義普部

分都將環列待旦遣牙隊軍使郭延贇馳騎入京報殿

前都指揮使石守信開封浚儀人都虞候王審琦字仲寶洛陽人二



普入帳中白之。匡胤時被酒卧。欠身徐起。將校已露刃列廷曰。諸將無主。願册太尉為皇帝。匡胤未及對。黃袍已加身矣。眾即羅拜呼萬歲。掖之上馬還汴。匡胤攬轡曰。汝等貪富貴。能從我命則可。不然。我不能為若主矣。皆下馬曰。願受命。匡胤曰。太后主上。我北面事者。不得驚犯。公卿皆我比肩。不得侵凌。朝市府庫。不得侵掠。用命有重賞。違不汝貫也。皆應曰諾。遂肅隊而行。乙巳。入汴。先遣楚昭輔慰安家人。又遣客省使潘美。字仲詢。見大名。執政諭意。時早朝未罷。聞變。范質執王溥手曰。倉猝遣將吾輩之罪也。爪人溥手。幾出血。溥侍衛親軍副都指揮使韓通自禁中。遑遽而歸。謀帥眾禦之。軍校王彥昇。字光烈。蜀人。徙洛陽。逐焉。通馳入其



第未及闔門。爲彥昇所害。妻子俱死。匡胤進登明德門。命甲士歸營。而自退居公署。將士擁范質等至。匡胤見之流涕曰。吾受世宗厚恩。爲六軍所迫。一旦至此。慙負天地。將若之何。質等未及對。列校羅彥環并州太原人。挺劍厲聲曰。我輩無主。今日必得天子。質等相顧不知所爲。溥降階先拜。質不得已亦拜。遂請匡胤詣崇元殿。行禪代禮。召百官至。晡時班定。猶未有禪詔。翰林承旨陶穀出諸袖中。遂用之。宣徽使引匡胤就庭北面拜受。已乃掖升殿。服袞冕。卽皇帝位。奉周主爲鄭王。符太后周世宗納符彥卿之女爲后。后殂。爲周太后。遷之西宮。大赦。改元。復納其妹。卽太后也。以所領歸德軍在宋州。國因號宋。遣使遍告郡國藩鎮。



加官進爵有差。未幾，鎮州報北漢兵引還。

華山處士陳搏聞宋主代

周曰：天下自此定矣。

宋贈周韓通為中書令。

宋主贈通以旌其忠，仍詔以禮葬之。欲加王彥昇擅殺之罪，羣臣以建國之始，乞貫之。宋主猶怒，故終身不得節鉞。

宋論翊戴功，加石守信等官爵。

石守信、高懷德

字藏用，行周子。

張令鐸

棣州厭次人。

王審琦、張光翰

趙彥徽並領節鎮，餘領軍者並進爵。

時慕容延釗握重兵屯真定，韓令坤

引兵巡北邊。宋主遣使諭意，許以便宜從事。兩人皆聽命，乃加延釗殿前都點檢，令坤亦加侍衛都指揮使。後延釗、令坤皆出為節度使，自是殿前都點檢遂不復除授。



宋遣使分賑諸州

宋主以其弟光義即匡義為殿前都虞候趙普為樞密直學士

宋立太廟追帝其祖考

宋主從兵部尚書張昭判太常寺竇儀議立四親廟高祖肅宗為僖祖文獻皇帝曾祖昪為順祖惠元皇帝祖毅為翼祖簡恭皇帝妣皆為皇后考弘殷為宣祖昭武皇帝定制歲以四孟月及季冬凡五享朔望薦食薦新三年一祫以孟冬五年一禘以孟夏

宋主視學

詔增葺祠宇塑繪先聖先賢像自為贊書于孔顏座端令文臣分撰餘贊屢臨幸焉嘗謂侍臣曰朕欲盡令武



臣讀書知爲治之道。于是臣庶始貴文學。

二月。宋主尊其母杜氏

定州安喜人。

爲皇太后。

后治家嚴而有法。陳橋之變。后聞之曰。吾兒素有大志。今果然矣。及尊爲皇太后。宋主拜于殿上。羣臣稱賀。后愀然不樂。左右進曰。臣聞母以子貴。今子爲天子。胡爲不樂。后曰。吾聞爲君難。天子置身兆庶之上。若治得其道。則此位可尊。苟或失馭。求爲匹夫不可得。是吾所以憂也。宋主再拜曰。謹受教。既而后有疾。宋主侍藥餌。不離左右。及疾亟。召趙普入受遺命。且問宋主曰。汝知所以得天下乎。宋主曰。皆祖考及太后之餘慶也。后曰。不然。正由柴氏使幼兒主天下。爾若周有長君。汝安得至。

父有天下傳之子。三代以來不易之常經。見終第及商道有然。史官仲丁而後諸弟子爭立。比九世亂固。



勢所必至也。杜太后徒知國有長君為社稷之福，而不知以次傳位，啓骨肉之嫌。厥後涪陵武功不得其死，適金匱誓書所以階之。厲耳。

平章既為國家官階，豈有因臣子私諱而改之之理？且章與章亦無涉。宋主此為蓋狗名而不知義矣。

此汝百歲後當傳位光義。光義傳光美。字文花。宋主弟。光美傳

德昭。字日新。宋主第二子。夫四海至廣，能立長君，社稷之福也。宋

主泣曰：敢不受教。后顧謂普曰：爾同記吾言，不可違也。

普即榻前為誓書，于紙尾署曰：臣普記藏之金匱，命謹

密宮人掌之。遂殂。事在次年六月。

宋以范質、王溥、魏仁浦同平章事。吳廷祚。字慶之，太原人。為樞密

使，加同中書門下三品。廷祚父名璋，避平章特加同三品，仍為樞密使。

舊制，宰臣上殿，命坐而議大政，其進擬差除，但入執狀

畫可，降出奉行而已。質等自以周朝舊臣，稍存形跡，且

憚宋主英睿，乃請用劄子，面取旨，退各疏其事，同列書

字以誌。宋主從之，坐論之禮遂廢。



三月唐吳越遣使如宋。

賀卽位也。

夏四月周昭義節度使李筠起兵會北漢伐宋宋遣兵擊之。

宋遣使加筠中書令使者至潞州筠延使者置酒旣而

取周太祖畫像懸于壁涕泣不已北漢主鈞聞之乃以

蠟書結筠同舉兵筠長子守節

字得臣

泣諫筠不聽遂起

兵令幕府爲檄數宋主罪執監軍周光遜等送于北漢

以求濟師又遣人殺澤州刺史張福據其城

從事問邱仲卿說筠

曰公孤軍舉事其勢甚危雖倚河東之援恐亦不得其力大梁甲兵精銳難以爭鋒不如西下太行直抵懷孟塞虎牢據洛邑東向而爭北漢主白純兵赴筠筠迎謁天下計之上也筠不能用



于太平驛。

在潞州府長治縣西北。

言受周太祖恩，不敢愛死。北漢

主周世讐，不悅其說，因使其宣徽使盧贊監其軍。筠見

漢兵弱少，而贊又來監，心甚悔，謀多不協，乃留守節守

潞，而自引衆南向。北漢主聞贊與筠異，復遣其平章事

衛融

字明遠，青州博興人。

和解之。宋主遣石守信、高懷德、慕容延

釗、王全斌分道擊筠。

五月己亥朔，日食。

宋主自將兵圍澤州。六月，克其城，李筠死之。

宋主自帥大衆討筠。山路險峻，多石。宋主先于馬上負數石，將士因爭負之。卽日平爲大道，遂與石守信等會。大敗筠衆于澤州南，殺盧贊。筠走保澤州。宋主列柵圍



之。六月。宋將馬全義帥敢死士數十人攀堞而上。遂入

其城。筠赴火死。北漢主懼。引師歸。

宋獲衛融。融請死。宋主怒。以鐵搥擊其首。

流血被面。融呼曰。臣得死所矣。宋主曰。忠臣也。釋之。以為太府卿。進攻潞州。守節降。

秋。七月。宋主還。

荆南節度使高保融卒。弟保勗

字省躬。嗣。

保融迂緩。國事悉委于母弟保勗。及卒。保勗權知軍府。請命于宋。宋主授以節度使。

冬。十月。周淮南節度使李重進謀起兵拒宋。十一月。宋主自將擊之。重進自焚死。

重進與宋主同事周室。分掌兵權。常心憚宋主。宋主立加重進中書令。移鎮青州。重進愈不自安。宋主遣六宅

宋史以韓通李筠李重進皆盡節于周作周三臣傳以表異之夫韓通之關門遇害李筠之拒宋起兵誠辦忝于忠義若重進以周室懿親與宋祖同為北面



武寧之後。顏受命始則以移鎮而不自安。繼則以賜券而欲朝汴。遲疑不決。乃復舉兵。是宋之叛臣。而非周之忠臣。烏可同日語哉。

使宋初武職諸司。陳思誨字讓。賜之鐵券。重進欲治裝。隨思誨朝汴。左右沮之。猶豫不決。又白以周室懿親。恐不得全。遂拘思誨。治城繕兵。遣人求援于唐。唐主聞于宋。宋遣石守信。王審琦。李處耘。宋偓洛陽人等。分道討之。趙普勸宋主自行。十月。宋主發汴。十一月。至廣陵。卽日拔之。城將陷。左右欲殺思誨。重進曰。吾將舉族赴火死。殺此何益。卽盡室自焚。思誨亦被害。

唐主遣子朝宋主于揚州。十二月。宋主還汴。

宋主令諸軍習戰艦于迎鑾鎮。唐主大恐。遣使犒師。且使其子從鎰朝于揚州。唐臣杜著。薛良。以罪奔宋。獻平南策。宋主惡其不忠。斬著。配良牙校。遂還汴。



宋以竇儀為翰林學士。

宋主嘗召儀草制。至苑門。儀見宋主岸幘。

髮布曰幘。岸幘。露頂也。

跣足。

赤足也。

而坐。却立不肯進。宋主遽索冠帶。而後召入。

儀曰。陛下創業垂統。不以禮示天下。恐豪傑聞而解體。

宋主斂容謝之。自是對近臣未嘗不冠帶。

考宋史竇儀傳。建隆元年。

秋。儀遷工部尚書。會翰林學士王著。因酒失貶官。太祖問于范質。以儀代之。而王著傳則云。乾德元年。著直禁中。被酒。夜叩宮門。帝怒。貶著比部員外郎。兩傳互異。商輅續綱目。以儀傳為據。薛應旂通鑑。則從著傳。今依續綱目。紀于是年。而王著酒失事不載。

宋主微行。

宋主欲察羣情向背。頗為微行。或諫曰。陛下新得天下。人心未安。今數輕出。萬一有不虞。其可悔乎。宋主笑曰。



帝王之興。自有天命。求之亦不可得。拒之亦不能止。周世宗見諸將方面大耳者。皆殺之。我終日侍側。亦不能害。若應爲天下主。誰能圖之。微行愈數日。有天命者。任自爲之。不汝禁也。

辛。宋建隆二年。是酉歲。凡五國。三鎮。春正月。宋度民田。

周世宗末年。嘗命官詣諸州度民田。而使者多不稱。至是。宋主謂侍臣曰。度田蓋欲勤恤下民。而民敝愈甚。今當精擇其人。遂分遣常參官詣諸州。尋詔州縣課民種植。長吏以春秋巡視。著爲令。又置義倉。官所取二稅。每一石。別輸一斗貯之。以備凶歉。

二月。宋遣使監輸民租。



先是藩鎮率遣親吏視民租入。槩量增益。公取餘羨。符彥卿在天雄軍。取民尤悉。宋主聞之。卽遣使諸州。分主其事。民始不困。

唐徙都洪州。

宋主旣平揚州。唐主景懼甚。乃遷豫章。以太子從嘉守建康。豫章城邑迫隘。羣臣日夜思歸。景怒。欲誅贊行者。夏四月癸巳朔。日食。

秋七月。宋罷其侍衛都指揮使石守信等典禁兵。

石守信。王審琦等。皆宋主故人。有功。典禁衛兵。趙普數以爲言。宋主曰。彼等必不吾叛。卿何憂之深邪。普曰。臣亦不憂其叛也。然熟觀數人者。皆非統御才。恐不能制。

讀史者率以宋祖杯酒釋兵權爲不動聲色而措天下之安此鄙見也守信數人若果不可制豈數言委曲規諷所能罷其典兵者彼時宋主英勇固出數人



之上操縱由已消患未然  
守信諸人方承命之不暇  
又何敢有異議乎史家無  
卓識徒于杯酒詭辭處炫  
奇以爲秘計神謀而不予  
宋主英斷勇爲處著眼而  
後世遂以是爲妙策獨出  
吁可笑矣

伏其下。若軍伍間萬一有作孽者。彼臨時亦不能自由。爾宋主悟。一日因晚朝。與守信等飲酒酣。屏左右謂曰。朕非卿等不及此。然天子亦大艱難。殊不若爲節度使之樂。朕終夕未嘗敢安枕卧也。守信等請其故。宋主曰。是不難知。此位誰不欲爲。守信等頓首曰。陛下何爲出此言。今天命已定。誰復有異心。宋主曰。卿等固然。其如麾下欲富貴何。一旦有以黃袍加汝身。汝雖欲不爲。其可得乎。守信等泣謝曰。臣等愚不及此。惟陛下哀矜。指示可生之途。宋主曰。人生如白駒過隙。所以好富貴者。不過欲多積金錢。厚自娛樂。使子孫無貧乏爾。卿等何不釋去兵權。出守大藩。擇好便田宅市之。爲子孫立永



遠不可動之業。多置歌兒舞女。日夕飲酒相歡。以終天  
年。朕且與卿等約為婚姻。君臣之間。兩無猜疑。上下相  
安。不亦善乎。守信等皆謝曰。陛下念臣等至此。所謂生  
死而肉骨也。明日皆稱疾。乞罷典兵。宋主從之。

宋以李漢超

雲中人。

為關南兵馬都監。

文獻通考。宋置兵馬都監。分掌本路禁旅。

屯戍邊防訓練之政令。

漢超在關南。民有訟其彊娶已女為妾。及貸民錢不償  
者。宋主召謂曰。汝女可適何人。對曰。農家爾。又問漢超  
未至關南時。契丹何如。對曰。歲苦侵暴。曰。今復爾邪。對  
曰。無也。宋主曰。漢超。朕之貴臣。汝女為之妾。不猶愈為  
農婦乎。且使漢超不在關南。汝家尚能保其所有貨財。



邪責其人而遣之。密使諭漢超曰：「亟還其女，并所貸朕始貲汝，勿復爲也。」不足于用，何不以告朕邪？漢超感泣。由是益修政理，吏民愛之。

八月，宋襲執武義節度使孫行友。

行友繼其兄方簡，鎮易定踰八年。狼山佛舍妖黨事見前

益甚。宋主卽位，行友不自安，累表乞罷，不許。行友懼，乃繕甲兵，將棄其孥，還據山寨以叛。兵馬都監樂繼能密表其事。宋主遣李懷節馳騎會鎮趙之兵，僞稱巡邊，直入定州。行友不之覺，既而出詔，令舉族歸朝。行友倉皇聽命，既至，訊之得實，制削奪其官爵，禁錮私第。

唐主景昶子煜卽從嘉更名立于金陵。



景方議東還以疾殂于南都太子煜時留建康遂卽位

遣其戶部尚書馮謐

卽馮延魯更名

奉父遺表于宋願追尊帝

號宋主許之

煜聰悟好學善屬文工書畫明音律

女真

注見前

入貢于宋

女真部人在南者繫籍于遼號熟女真在北者不隸遼

籍號生女真至是以馬入貢于宋宋主詔蠲登州沙門

島在登州府蓬萊縣西北海中齊乘有五島相聯屬海市現滅多在其上

居民租賦令專

治舟船渡其所貢馬

冬十一月沙州入貢于宋

瓜沙自後唐同光初嘗義金遣使開道通貢

事具前

其後

義金卒

五代史義金卒晉天福五年卒

其子元忠元深等亦皆遣使中



國。五代史。天福七年。沙州曹元忠。瓜州曹元深。皆遣使來。周世宗時。以元忠為歸義軍節度使。元深為瓜州

團練使。至是。入貢于宋。宋史外國傳。沙州。唐大中五年。置歸義軍。以張義潮為節度使。至朱

梁時。張氏絕。州人推長史曹義金為帥。義金卒。子元忠嗣。商輅續綱目。薛應旂通鑑。皆因之。考司馬氏通鑑。唐

咸通十三年。張義潮卒。沙州長史曹義金自領軍府。詔以義金為節度使。又考歐陽修五代史。沙州。梁開平中

有節度使張奉。自號金山白衣天子。至唐莊宗時。回鶻來朝。沙州留後曹義金遣使附以來。二書所載。與宋史

互有不同。司馬氏考據詳核。當必無誤。今依通鑑兼節採歐史。改輯。

王宋建隆三年。唐後主煜。春正月。宋廣東京城。

宋主既廣汴城。且命有司畫洛陽宮殿。按圖修之。以韓

重贊磁州武安人。董其役。營繕既畢。宋主坐寢殿。令洞開諸

門。皆端直軒豁。無有壅蔽。謂左右曰。此如我心。若有邪

曲。人皆見之矣。



二月。宋初詔常參官轉對。

每五日內殿起居。百官以次轉對。指陳時政得失。事關急切者。許非時上章。

宋令諸州大辟不得專決。

宋主謂宰臣曰。五代諸侯跋扈。有枉法殺人者。朝廷置而不問。人命至重。姑息藩鎮。當如是邪。自今諸州決大辟。錄案聞奏。付刑部詳復之。

夏。四月。唐清源節度使留從効卒。

從効卒。子紹鑑典留務。會吳越聘使至。紹鑑夜召與燕。統軍使陳洪進。誣紹鑑謀附吳越。執送建康。推副使張漢思爲留後。而自爲副使。既而洪進幽漢思而代之。



年老不能治軍務。事皆決于洪進。漢思諸于湏不平。欲害洪進。謀泄不果。由是更相為備。一日漢思方坐內齋。洪進徑入府中。鎖其戶而求印。漢思惶懼。即于門間出印與之。洪進遂自稱留後。遷漢思于別舍。以兵守之。

宋以趙贊

即趙匡贊。避宋主名改。

為彰武

後唐改延州為彰武軍。

節度使。

贊至延州。前後分置步騎。使綿綿不絕。林莽之際。遠見

旌旗。所部羌渾來迎。莫測其數。相視奪氣。莫不畏服。宋主

嘗注意于謀帥。

命贊屯

延州。

姚內斌守慶州。

董遵誨守

環州。

王彥昇守原州。

馮繼業鎮靈武。

以備西夏。

李漢超

屯關南。

馬仁瑀守瀛州。

韓令坤鎮常山。

賀惟忠守易州。

何繼筠領棣州。

以拒北敵。

又以郭進控西山。

武守琪戍

晉州。

李謙溥守隰州。

李繼勳鎮昭義。

以禦太原。

其家族

在京師者。

撫之甚厚。

郡中箠權之利。

悉與之。

恣其圖回

貿易。

免所過征稅。

令召募驍勇。

以為爪牙。

凡軍中事。

許從便宜。

每來朝。必召對。命坐。賜以飲食。

錫資殊異。

由是邊臣皆富于財。

得以養募死力。

使為間諜。

洞知蕃情。每入寇。必預為之備。

多致克捷。

自此累年無西北之虞。

得以盡力東南。

取荆湖川廣吳楚之地。

董遵誨范陽人。

馮繼業字嗣宗。

暉之子。

馬仁瑀夏津人。

賀惟忠忻州定

人。



襄人何繼筠字化龍福進之子郭進博野人李繼勳大名元城人

冬十月宋以趙普為樞密使

吳廷祚罷以普代之宋主嘗謂普曰天下自唐季以來數十年間帝王凡易八姓鬪戰不息生民塗地其故何也吾欲息天下之兵為國家長久計其道何如普對曰此無他方鎮太重君弱臣彊而已今欲治之宜稍奪其權制其錢穀收其精兵則天下自安矣語未畢宋主曰卿勿復言吾已喻矣

宋主匡胤遷鄭王宗訓于房州

武平節度使周行逢卒子保權嗣時年十一歲

十一月荆南節度使高保勗卒兄子繼冲字成和嗣保融子



十二月。湖南將張文表襲潭州。據之。

初。周行逢病亟。召將校屬。其子保權曰。吾部內兇狠者。誅之。畧盡。唯張文表在耳。我死。文表必亂。當以楊師璠討之。如其不能。則自歸于朝廷。及保權嗣位。文表聞之。怒曰。我與行逢俱起微賤。立功名。今日安能北面事小兒乎。遂襲潭州。殺留後廖簡。據其城。又將取朗州。以滅周氏。保權遣楊師璠擊之。且求援于宋。

### 蜀鑄鐵錢

蜀以用度不足。始鑄鐵錢。禁境內用鐵。凡器用須鐵爲之者。置塲權之。以專其利。又遣使遍督諸路。累年逋負租稅。龍游隋置。今日樂山。爲四川嘉定州治。令田淳成都人。上疏言。擾民



犯天意聚財損君道語甚切直蜀主不能用

淳好談治亂屢陳朝

政闕失嘗言王昭遠伊審徵韓保正不可當大任或勸以遜詞取貴仕淳曰大丈夫豈能附狗鼠求進哉韓

保正字永吉潞州長子人

南漢誅其內侍監許彥真以李托為內太師

彥真既讒殺鍾允章威權與龔澄樞等澄樞忿彥真恣

橫使人告其謀反下獄族誅南漢主以李托為內太師

六軍觀軍容使

初南漢主納托長女為貴妃次女為美人至是詔邦政皆稟托而後行

癸亥宋乾德元年是歲見王春正月宋初以文臣知州事

五代諸侯彊盛朝廷不能制每移鎮受代先命近臣諭

旨且發兵備之尚有不奉詔者宋初異姓王及帶相印

者不下數人宋主用趙普謀漸削其權或因其卒或

自唐中葉以來藩鎮日彊據土地專生殺甲兵財賦唯其所擅蓋百餘年宋主漸削其權以次易文臣布列州縣朝廷命令始行于天下改絃更張而無紛擾



之迹可謂善圖治矣

因遷徙致仕。或因遙領他職。皆以文臣代之。

宋遣慕容延釗。李處耘。假道荆南。討張文表。二月。周保權執文表誅之。處耘襲江陵。高繼冲以荆南降。荆南自高季興至繼冲。凡

五主。合五十七年。

初。宋盧懷忠

瀛州河間人。

使荆南還。言江陵南邇長沙。東距

建康。西迫巴蜀。北奉朝廷。其勢日不暇給。取之易也。及

周保權使至。宋主謂范質等曰。江陵四分五裂之國。今

假道出師。因而下之。蔑不濟矣。乃命慕容延釗為都部

署。樞密副使李處耘為都監。率十州兵。假道荆南。討文

表。未至。楊師璠已破文表。梟首朗陵市。處耘至襄州。遣

丁德裕

洛州臨洛人。

諭繼冲以假道之意。孫光憲因言于繼



冲曰。中國自周世宗時。已有混一天下之志。今宋主規模宏遠。不若早以疆土歸之。則可免禍。公亦不失富貴矣。繼冲乃遣其叔父保寅。奉牛酒犒師于荆門。且覘彊弱。是夕。延釗召保寅宴飲帳中。處耘密遣輕騎數千。倍道而進。繼冲遽聞宋師奄至。卽惶怖出迎。處耘揖繼冲。令待延釗。而率親軍先入城。繼冲大懼。因盡籍其境內三州十七縣。遣客將王昭濟奉表納于宋。宋主受之。以王仁贍唐州方城人。爲荆南都巡檢使。文獻通考。宋制。沿邊溪崗。有都巡檢。其歸置都巡檢使。以增重之。授繼冲荆南節度使如故。尋改武寧。注見前。節度使。

宋慕容延釗進克潭州。周保權遣兵逆戰。敗走。延釗遂入。



朗執保權以歸

延釗進克潭州。將趨朗州。保權牙將張從富等以爲文表已誅。而宋師繼進不止。懼爲所襲。相與拒守。延釗至。

從富等以兵逆戰于澧江。

出豐州安福縣。逕州南。下流入洞庭湖。九江之一也。

宋

師敗之。延釗因長驅而進。遂克其城。執從富殺之。其大

將汪端刼保權及家屬。亡匿江南岸僧寺中。李處耘遣

田守奇帥師渡江。獲之以歸。宋主釋其罪。以爲右千牛

衛上將軍。汪端猶擁衆寇掠。宋師擊殺之。湖南悉平。得

十四監一。縣六十六。宋主以戶部侍郎呂餘慶權知潭州。呂餘慶琦之子。

宋天雄節度使符彥卿入朝。

宋主欲使彥卿典兵。趙普屢諫不聽。宣已出。復懷人從



容言之。宋主曰。朕待彥卿厚。豈忍相負邪。普曰。陛下何以能負周世宗。宋主默然。事遂寢。

夏四月。宋初置諸州通判。

宋史職官志。通判掌倅貳郡政。以郎官以上充。

詔設通判于諸州。凡軍民之政。皆統治之。事得專達。與長吏均禮。大州或置二員。又令節鎮所領支郡。皆直隸京師。得自奏事。不屬諸藩。于是節度使之權始輕。用趙普之言也。

朱行應天歷。

王朴欽天歷。推驗稍疎。司天少監王處訥製新歷上之。宋主自爲序。賜名應天。頒行之。

宋初以常參官知縣事。



符彥卿久鎮大名。專恣不法。屬邑頗不治。乃特選常參官彊幹者往涖之。遂著爲令。

秋。七月。宋主幸武成王廟。毀白起像。

宋主歷觀武成王廟兩廡。指白起曰。起殺已降。不武之甚。豈宜受享。命去之。

八月。宋侵北漢。取樂平。遼救之。不及。

宋將王全斌攻取北漢樂平。詔以爲平晉軍。

宋殺其殿前都虞候張瓊。

初。宋主爲周將瓊隸帳下。嘗以身蔽宋主。中弩矢。死而

復蘇。

肥橋之役。事具前。

及宋主卽位。擢典禁兵。爲殿前都虞候。

時軍校史珪。石漢卿。以數言外事。得幸于宋主。瓊輕侮

肥橋之役。瓊身冒矢石。以蔽宋主。瀕于九死。而不顧忠壯炳然。豈有寵秩既膺。忽萌異志之理。乃讒人交搆。死非其辜。瓊輕率招尤。宋主亦不免失之涼薄。



之。二人因譖瓊養部曲。擅威福。宋主召瓊面訊之。不伏。宋主怒。令擊之。漢卿卽奮鐵撾擊其首。血流氣絕。乃曳出下吏。瓊自知不免。解所繫帶以遺母。卽自殺。宋主旋聞瓊家無餘財。甚悔。責漢卿厚恤其家。

九月。北漢以遼兵攻宋平晉軍。宋將郭進救却之。

初。進從征澤潞。遷洛州防禦使。充西山巡檢。御下嚴毅。宋主遣戍卒。必諭之曰。汝輩謹奉法。我猶貸汝。郭進殺汝矣。嘗有軍校自西山詣汴。誣訟進不法事。宋主詰知其情。送進令殺之。會北漢來攻。進語其人曰。汝敢論我。信有膽氣。今貲汝罪。汝能掩殺敵兵。當卽薦汝。如敗。可自投河東。其人踴躍赴戰。大致克捷。進卽以聞。乞還其



職宋主從之

冬十月北漢以郭無為

字無不為青州千乘人

同平章事

北漢主自敗于潞州日懼宋師之至以趙文度

蔚州人為

相又召抱腹山

在太原

人郭無為及五臺山

在代州五臺縣東北寰宇

記山五巒巍然故名

僧繼顓

劉守光子為浮屠

參預國事未幾文度無為

議論不協北漢主出文度守汾州而無為獨相機事悉

以委之

十二月宋黜鄭起楊徽之

字仲猷建州浦城人

為縣令

初殿中侍御史鄭起在周見宋主握禁兵有人望乃貽

書范質極言其事右拾遺楊徽之亦嘗言于世宗以宋

主不宜典禁兵宋主銜之至是左遷起為西河令徽之

起及徽之知宋主之不宜典握禁兵頗有先幾之識使其言見用何致變起陳橋二人既食周祿實為忠于所事及其復仕宋室則是初終易節矣宋主不薄



其更事二姓而衡其舊  
私嫌豈足為萬世立臣子  
大防乎

為天長令

溪州注見前蠻附于宋。

北江

西陽江之別源也。在今永順府保靖縣北。亦曰北河。蠻酋最大者曰彭氏。本

西吉水人。

世有溪州。州有三。曰上。中。下。溪。上溪廢州。在今永順府龍山縣中溪。

廢州亦在龍山縣下溪州故城。又有龍賜忠順保靜感

化。天賜永順六州及懿安。遠新。給富來。寧南。順高。十一

州。地俱在今永順府境。至是。其酋彭允林以地附宋。于是各州悉

置刺史。而以下溪州刺史兼都誓主以統之。謂之誓下

州。

甲宋乾德二年。是歲凡五國一鎮。春正月。宋范質。王溥。魏仁浦罷。以趙普

同平章事。



宋太祖雪夜幸趙普家計  
下太原後人侈爲美談不  
知征伐大事自當議之朝  
堂節去帷幄秘謀亦可召  
三禁中密相籌畫命將成  
功豈必待風雪叩門始有  
濟哉蓋其功臣家不能  
無所疑慮微行數過固有  
深意厥後南唐海物亦以  
驟至而得之可以觀其用  
心矣

普既相以天下爲已託宋主倚任之事無大小悉咨決  
焉宋主數微行過功臣家普每退朝不敢去衣冠一日  
大雪向夜普意宋主不出久之間叩門聲普亟出宋主  
立風雪中普惶恐迎拜宋主曰已約光義矣已而光義  
至設重裯地坐堂中熾炭燒肉普妻行酒炙宋主以嫂  
呼之因與普計下太原普曰太原當西北二面太原既  
下則我獨當之不如姑俟削平諸國則彈丸黑子之地  
將安逃乎宋主曰吾意正如此特試卿耳宋主又嘗以幽燕地圖示  
普問進取之策普曰圖必出曹翰宋主曰然因曰翰可  
取否普曰翰可取孰可守宋主曰以翰守之普曰翰死  
孰可代宋主默然良久曰卿可謂深慮矣普嘗薦某人  
爲某官宋主不許明日復奏亦不許明日又奏宋主大  
怒裂碎奏牘擲地普顏色不變跪而拾之以歸他日補  
綴舊牘復奏如初宋主乃悟卒用其人又有羣臣當遷



官。宋主素惡其人。不與。普堅以爲請。宋主怒曰。朕固不與遷。卿若之何。普曰。刑賞。陛下豈得以喜怒專之。宋主怒甚。起。普亦隨之。宋主入宮。普立宮門。久之不去。竟得俞允。其剛毅果斷類如此。然多忌刻。屢以微時所不足者爲言。宋主曰。若塵埃中可識天子宰相。則人皆物色之矣。自是不敢復言。范質罷相。未幾卒。宋主弟光義嘗稱質曰。宰輔中能循規矩。慎名器。持廉節。無出質右者。但欠世宗一死爲可惜耳。

二月。宋昭義節度使李繼勲侵北漢遼州。克之。

繼勲屢敗北漢兵。至是。宋主遣曹彬會繼勲。合兵入北漢境。攻其邊邑。及遼石州。繼勲大敗北漢兵于遼城下。

北漢遼州刺史杜延韜危蹙。籍部下兵三千人。降于繼

勲。遼以六萬騎來援。又擊走之。

已而遼州復爲北漢所取。

宋以陳洪進爲平海節度使。

先是。洪進旣幽張漢思。遣使請命于唐復。遣牙將魏仁



濟奉表如宋。且請制命。至是。宋主詔諭唐主。改清源為

平海軍。授洪進節度使。

洪進歲貢多厚。斂于民。二州甚苦之。

夏四月。宋以薛居正

字子平。浚儀人。

呂餘慶參知政事。

參知政事。設官自此始。職官志。

秩正二品。

宋主以趙普獨相。欲置副而難其名稱。問翰林承旨陶

穀曰。下宰相一。等有何官。對曰。唐有參知政事。

唐參知政事之名。始于劉洎。說具前。

乃以樞密直學士薛居正。兵部侍郎呂餘慶

並以本官參知政事。不押班宣制知印。不預奏事。不升

政事堂。止令就宣徽使廳上事。殿廷別設磚位。勅尾署

銜。降宰相月俸雜給半之。未欲與普齊也。

宋以秦再雄

辰州人。

為辰州刺史。



初。隋置辰州。

沅陵郡。今辰州府是。

唐復置錦州。

盧陽郡。故城在今沅州府麻陽縣。

溪州及巫敍州。

潭陽郡。貞觀中曰巫州。大歷初改敍州。

皆西南溪峒諸蠻

地也。唐末。蠻酋分據之。各保險阻。以自固。時出寇鈔。宋

旣平湖南。擇蠻人爲其黨所服者。得秦再雄。武健有奇

畧。宋主召至汴。察其可任。擢爲刺史。使自辟吏。予以租

賦。再雄感恩。誓以死報。至州日。訓土兵三千人。皆能被

甲渡水。歷山飛壘。捷如猿猱。又選親校二十人。分使諸

蠻。以傳朝廷懷徠之意。莫不從風而靡。各得降表以聞。

自是荆湘無復邊患。

六月。宋主以其子德昭爲貴州防禦使。

故事。皇子出閣卽封王。宋主以德昭未冠。特殺其禮。



秋七月宋頒刑統。

判大理寺寶儀所重定也。

八月宋置權貨務。

朝野雜記宋制有四提轄官權貨務其一也掌鑄茗香鑒鈔引之政令

置于京師及沿江令商旅入金帛京師執引詣沿江給

茶後解鹽

解池鹽也

亦權之。

九月宋攻南漢郴州克之。

宋潘美尹從珂

秦州天水人

帥兵攻南漢郴州克之得南漢

內侍余延業宋主訪其國政延業具言其主作燒煮剝

剔力山劍樹之刑或令罪人鬪虎抵象又賦斂繁重邕

民入城者人輸一錢瓊州斗米稅四五錢置媚川都

今在

廣州府新安縣南凡隸三千人

定其課令入海探珠所居宮殿以珠玑



瑁飾之內官陳延受作諸淫巧日費數萬金宮城左右  
離宮數十遊幸常至月餘或旬日以豪民爲課戶供宴  
犒之費宋主驚駭曰吾當救此一方民時方謀下蜀未  
遑也。初南漢內常侍鄧廷珪言于南漢主曰漢承唐亂  
居此五十餘年幸中國多故干戈不及而漢益驕  
于無事今兵不識旗鼓而人主不知存亡夫天下亂久  
矣亂久必治請飭兵備且遣使通好于宋南漢主情然  
莫以爲慮及宋克郴州始懼以廷珪爲招討使屯沅口  
沅口在韶州府英德縣西南始興大江之北今有鎮  
冬十一月蜀約北漢侵宋宋遣忠武節度使王全斌等伐  
之。

以諸葛亮之用兵尚不敢  
聽魏延之說出于今以微  
幸成功昭遠何人乃欲從

蜀山南節度判官張廷偉說知樞密院事王昭遠曰公  
素無勲業一旦位至樞近不自建立大功何以塞時論  
莫若通好并門令發兵南下我自黃花子午谷注見出



廷偉輕舉是徒啓宋兵端  
以速蜀之亡耳觀其出師  
時酒酣攘臂自方諸葛及  
門敗而據牀股栗目哭盡  
腫小人情狀可堪一噓

兵應之使中原表裏受敵則關右之地可撫而有昭遠

然其言勸蜀主遣趙彥韜興州順政人等以蠟書間行約北

漢濟河同舉兵彥韜至汴潛取其書以獻宋主宋主久

欲伐蜀而無詞及得書笑曰西討有名矣乃命王全斌

爲西川行營都部署劉光義即劉廷讓范陽人守文之

有劉光義太宗拒遼有劉廷讓又考宋史本紀太祖伐蜀

又所載伐蜀拒遼事與本紀同蓋廷讓本名光義後避

太宗諱更名因即以原名爲字而收義從父史特

未之詳耳薛應旂以光義廷讓爲兩人殊失考核崔彥

進大名副之王仁贍曹彬爲都監將步騎六萬分道伐

蜀且命爲蜀主治第于汴水之涯凡五百餘間供帳什

物備具召全斌謂曰凡克城寨只籍其器甲芻糧悉以

財帛分給將士吾所欲得者其土地耳全斌及彥進等



由鳳州進廷讓及彬等由歸州進

蜀主聞有宋師以王昭遠為都統趙崇韜

為都監韓保正為招討使李進副之帥兵拒宋命左僕射李昊餞于郊昭遠酒酣攘臂言曰吾此行非止克敵取中原如反掌耳手執鐵如意指揮軍事自方諸葛亮趙崇韜廷隱子

十二月宋王全斌入蜀興州

唐置即武興注見前

擒其招討使韓保

正蜀兵大潰

全斌等克萬仞燕子二砦

俱在漢中府署陽縣

遂取興州先鋒將

史進德與保正李進等戰于三泉砦

注見前

敗之擒保正

及進等蜀人退保大漫天砦

在保寧府廣元縣東北有大小二嶺皆極高峻蜀置

砦于此

崔彥進張萬友與康延澤

福之子

分三道擊之蜀人

悉其精銳逆戰大敗而潰王昭遠等復引兵迎敵三戰

皆敗昭遠渡桔柏江

注見前

焚梁退保劍門



宋將劉光義曹彬克蜀夔州蜀寧江制置使高彥儔太原人死之

初夔州有鎖江爲浮梁上設敵棚三重夾江列礮具光義等行宋主示以地圖指鎖江曰我軍沂流至此慎勿以舟師爭勝當先以步騎陸行襲擊之俟其勢卻卽以戰櫂夾攻取之必矣及師至夔距鎖江三十里舍舟步進先奪浮梁後牽舟而上彥儔謂監軍武守謙曰北軍涉遠而來利在速戰不如堅壁以待之守謙不從獨領麾下與光義騎將張廷翰澤州陵川人戰敗走廷翰乘勝登城彥儔力戰不勝身被十餘創左右皆散彥儔奔歸府第整衣冠望西北再拜縱火自焚死後數日光義見其



骨于灰燼中以禮葬之。

已而光義及彬克蜀萬施開忠等州。峽中郡縣悉定。時諸將所

過多屠戮。獨彬禁止之。故峽路兵始終秋毫無犯。

宋命判太常寺和峴

字晦仁。凝之子。

定雅樂。

宋主以雅樂聲高。近于哀思。不合中和。詔峴改定。峴以

王朴律準。較洛陽司天臺影表石尺。制律呂音始和暢。

唐主募人爲僧。

唐主酷信浮屠法。出禁中金錢募人爲僧。時都下僧及

萬人。皆仰給縣官。唐主退朝。與后服僧衣。誦佛書。拜跪

手足成贅。僧有罪。命禮佛而釋之。宋主聞其惑。乃選少

年有口辯者。南渡見唐主。論性命之說。唐主信重。謂之

一佛出世。由是不復以治國守邊爲事。



乙未乾德三年是歲宋  
丑滅蜀凡四國一鎮。春正月。宋王全斌攻蜀劍門。克之。

獲其都統王昭遠。

全斌進次益光。

今保寧府昭化縣。本劉宋益昌。後唐曰益光。宋開寶後改名。得降卒。

言益光江東越大山數重有狹徑名來蘇。

注見前。蜀人于

江西置砦對岸可渡。自此出劍門南二十里至青疆。

亦曰

清疆店在劍州東北。

與官道合。若行此路則劍門不足恃也。乃分

兵趨來蘇而自帥大眾前進。跨江爲浮梁以濟。蜀人見之棄寨而遁。遂進次青疆。王昭遠聞之留其偏將守劍

門。自引衆退屯漢源坡。

在劍州東。

以待全斌。未至漢源劍門

已破。昭遠股栗失次。趙崇韜布陳出戰。昭遠據胡床不能起。全斌進擊大破之。斬首萬餘級。昭遠走投東川。匿



倉舍下。悲嗟流涕。目盡腫。俄而宋追騎至。與崇韜俱被執。

蜀太子元詰

字遵聖。

將兵禦宋。至綿州遁還。王全斌進次魏

城。

西魏縣。今為驛。在綿州東北。

蜀主昶降。

後蜀自孟知祥至昶。凡三世。合三十二年。

蜀主聞昭遠敗。大懼。出金帛募兵。令太子元詰統之。李

廷珪、張惠安等為之副。趨劍門以禦宋師。

元詰素不習武。廷珪、惠安

皆庸懦無識。元詰離成都。但攜姬妾樂器。及伶人數十輩。晨夜嬉戲。不恤軍政。至絳州。聞已失

劍門。遂遁還東川。所過焚廬舍倉廩而去。蜀主皇駭。問

計于左右。有老將石斌對曰。宋師遠來。勢不能久。請聚

兵固守以老之。蜀主曰。吾父子以豐衣美食養士四十

年。及遇敵。不能為我東向發一矢。今若固壘。何人為我



效命。已而全斌進次魏城。蜀主命李昊草表。詣全斌請降。全斌受之。遂入成都。劉光義等亦引兵來會。前蜀之亡也。降表亦昊爲之。蜀人夜書其門曰。世修降表李家。宋師自發汴至受降。凡六十六日。得州四十五。縣百九十八。宋主以呂餘慶知成都府。初。全斌之伐蜀也。屬汴梁大雪。宋主設氍毹于講武殿。衣紫貂裘帽以視事。忽謂左右曰。我被服如此。體尚覺寒。念西征將士。衝冒霜雪。何以堪處。卽解裘帽遣中使馳賜全斌。仍諭諸將曰。不能徧及也。全斌拜賜感泣。所向有功。

### 三月。宋兩川軍亂。

王全斌等在蜀。晝夜宴飲不恤軍務。縱部下掠子女。奪財物。蜀人苦之。曹彬屢請旋師。全斌等不從。旣而宋主詔發蜀兵赴汴。並優給裝錢。全斌等擅減其數。蜀兵憤



怨。行至縣州。遂作亂。劫屬邑。衆至十餘萬。自號興國軍。

獲蜀文州刺史全師雄。

成都人。

推以爲帥。稱興蜀大王。兩

川郡縣爭應之。崔彥進、高彥暉等爲師雄所敗。彥暉戰

死。全斌退保成都。師雄勢益張。宋主聞之。命客省使

宋史

職官志。使爲武臣崇秩。掌四方進奉及四夷朝貢賓禮之事。

丁德裕領兵往討之。以

康延澤爲東川七州招安巡檢使。時師雄屯新繁。

漢縣。今屬

成都府。

劉光義、曹彬進擊。大破之。全斌等復敗之于灌口。

今成都府灌縣。宋以前爲灌口鎮。以灌口山名。

師雄走死。其黨據銅山。

注見前。

推謝行本爲主。延澤旋拔之。德裕等分道招輯。蜀人始定。

宋初置諸路轉運使。

自唐天寶以來。藩鎮屯重兵。租稅所入。皆以自贍。名曰



留使留州。其上供者甚少。五代藩鎮益彊。率令部曲主場務。厚斂以入已。而輸貢有數。宋主素知其弊。趙普乞命諸州度支經費外。凡金帛悉送汴都。無得占留。每藩鎮帥缺。卽令文臣權知所在場務。凡一路之財。置轉運使掌之。雖節度防禦團練觀察諸使。及刺史皆不預。餼書金穀之籍。于是財利盡歸于上矣。

夏六月。宋賜孟昶爵秦國公。尋卒。

蜀主昶舉族及官屬至汴。率子弟素服待罪闕下。宋主御崇元殿。備禮見之。賜資甚厚。拜昶檢校太師兼中書令。封秦國公。子元喆爲泰寧軍。五代史職方考。後梁以兗州爲泰寧軍。節度使。從臣親屬授官有差。昶尋卒。宋主廢朝五日。追封

楚王

昶母李氏。本唐莊宗宮妾也。至汴。宋主命肩輿入宮。謂之曰。國母善自愛。無戚戚懷鄉土異日當送

母歸

李氏曰。妾本太原人。倘得歸老并土。妾之願也。時

宋主有北征意。聞其言喜。及昶卒。不肯哭。以酒酹地曰。

汝不死社稷。貪生以至今日。吾所以忍死者。以汝在爾。

今汝既死。吾何用生焉。不食數日亦死。宋主聞而傷之。

宋主嘗見昶寶裝溺器。命撞碎之。曰。以七寶

飾此。當以何器貯食。所為如是。不亡何待。

南漢主殺其招討使鄧廷珪

廷珪屯洸口以待宋師。招輯亡叛。訓士卒。修戰備。國人

賴以少安。有投匿名書。譖廷珪將圖不軌。南漢主信之。

遣使賜廷珪死。士卒排軍門見使者。訴廷珪無反狀。請

加考驗。弗許。乃相與立廟洸口祀之。

秋。八月。宋選諸道兵入補禁衛。

先是。宋主詔殿前侍衛二司。各閱所掌兵。揀其驍勇者。



升爲上軍。至是。命諸州長吏。擇本道兵驍勇者。送都下。以補禁旅之闕。又選彊壯卒。定爲兵樣。分送諸道。召募教習。俟其精練。卽送闕下。復立更戍法。分遣禁旅。戍守邊城。使往來道路。以習勤苦。均勞佚。自是將不得專其兵。而士卒不至于驕惰。趙普之謀也。

### 宋置封樁庫

宋主平荆湖西蜀。收其金帛。別爲內庫儲之。號封樁。凡歲終用度之餘。皆入之。以爲軍旅饑饉之備。宋主嘗諭近臣曰。石晉割幽燕。以賂契丹。使一方獨限外境。朕甚憫之。欲俟斯庫所畜滿三百萬。遣使謀于彼。倘肯以地歸于我。則以此酬之。不然。朕當散滯財。募勇士。以圖攻。

取也。尋又鑿大池于京城南，號講武池，選精卒習戰。池中，宋主嘗臨觀之。

丙宋乾德四年是寅歲。凡四國一鎮。夏五月，宋罷羨餘賞格。

初三，司請諸場院主吏有羨餘粟及萬石，芻五萬束以

上者賞知光化軍。

宋置今為縣屬襄陽府。

張全操上言：「此苟非倍

取民租，私減軍食，何以致之？」乃詔自今勿復施行。

閏月，宋求遺書。

冬十一月，宋竇儀卒。

儀學問優博，風度峻整。及卒，宋主深惜其未大用云。

初宋

主將改元，諭宰相曰：「年號須擇前代所未有者。」及蜀平，蜀宮人入內，宋主見其鏡背有識乾德四年鑄者，召儀問之。儀對曰：「此必蜀物。」蜀主王衍嘗有此號。宋主大悅，曰：「宰相須用讀書人。」由是益重儒者，每對大臣言欲用



儀為相趙普忌其剛直陶穀等又相與排之遂中輟

丁卯歲凡四國一鎮春正月宋王全斌等以罪徵還貶官有

差以曹彬為宣徽南院使

宋主自聞蜀兵之亂凡使者至各令陳王全斌等不法

事因盡得其狀乃皆徵還以其初立功不欲屬吏但令

中書問狀全斌等具伏黷貨殺降之罪于是全斌及崔

彥進王仁贍皆責降曹彬劉光義以功進爵復召呂餘

慶參知政事仁贍等歷詆諸將冀以自免獨曰清廉畏

中惟圖書衣衾又能戢下于是賞彬特優彬入謝曰諸

將皆獲罪臣不敢奉詔宋主曰卿有茂功又不矜伐懲

勸國之常典可無遜

二月宋以沈義倫

字順儀太康人後避太宗諱止名倫為樞密副使

義倫為四川轉運使。隨軍入蜀。

宋史職官志。王師征討。則置隨軍轉運使。事畢。

即獨居佛寺。飯蔬食。有以珍異獻者。皆卻之。及歸。篋中

惟書數卷而已。宋主嘗問曹彬以官吏善否。彬曰。臣止

監軍旅。至于采察官吏。非所職也。固問之。曰。義倫可用。

宋主嘉之。故有是命。

宋罷其殿前都指揮使韓重贇。

時有譖重贇私取親兵為腹心者。宋主怒。欲誅之。趙普

諫曰。若重贇以讒誅。人人懼罪。誰敢為陛下將者。宋主

乃止。出重贇為彰德節度使。

三月。五星聚奎。

宋史天文志。五星如聯珠。聚于奎。當魯分從鎮星晨見東方。

周顯德中。竇儼與盧多遜。河內人。楊徽之。同為諫官。儼

五星聚奎為宋朝寶瑞會  
不數月即有日食之變天



意果何屬耶好諛者謂祥而諱災矯情者稱災而却祥雖覺五十步之勝其于敬天勤民之本蓋亦失之遠矣

善步星歷嘗謂徽之等曰丁卯歲五星聚奎自此天下當太平二拾遺見之儼不與也卒如其言

夏六月戊午朔日食

秋九月定難節度使李彝興

即彝殷卒于克敵嗣

戊辰開寶元年是歲北漢主繼元廣

春二月宋主立宋氏洛陽人

爲后

宋主元配賀氏

開封人

早卒建隆初冊繼室王氏

邠州新平人

爲后乾德元年殂至是立宋氏爲后后左衛上將軍偓

之女也

三月宋覆試貢士

知貢舉王祐

字景叔大名莘人續編作王裕今依宋元通鑑

上進士合格者十

八人陶穀子邴名在第六。宋主謂左右曰。聞穀不能訓子。邴安得第。遽命中書覆試。而邴復登第。因下詔曰。造士之選。匪樹私恩。世祿之家。宜敦素業。如聞黨與。頗容竊吹。文衡公器。豈宜私濫。自今舉人。凡關食祿之家。悉委中書覆試。

夏五月。唐以韓熙載爲中書侍郎。

熙載顯德中入朝歸國。唐主景問中國大臣。熙載曰。趙點檢顧視非常。不可測也。宋主受禪。景益重之。欲以爲相。以帷薄不修而止。至是拜中書侍郎。

六月。宋以董遵誨爲通遠軍

後周置。今慶陽府環縣是。使。

遵誨父宗本。仕漢爲隨州刺史。宋主微時往依焉。遵誨



馮藉父勢嘗侮之。一日謂宋主曰。每見城上有紫雲如蓋。又夢登高臺。遇黑蛇約長百餘尺。俄化龍飛騰東北去。雷電隨之。是何祥也。宋主皆不對。他日論兵。遵誨理屈。拂衣起。宋主乃辭宗本去。及卽位。遵誨被召。伏地請死。宋主諭之曰。卿尚記曩日黑蛇紫雲之事乎。遵誨再拜呼萬歲。俄而部下卒訴其不法十餘事。遵誨皇恐待罪。宋主曰。朕方赦過賞功。豈念舊惡邪。遵誨母在幽州。患難睽離。宋主厚賞邊民。購得之。仍加優賜。至是以夏州近邊。授通遠軍使。遵誨至鎮。召諸族酋長。諭以朝廷威德。衆皆感悅。後數月。復來擾邊。遵誨率兵深入其境。俘斬甚衆。獲羊馬數萬。夷落以定。

繼恩繼元皆非劉氏子北  
漢主既知其不能一事則  
當早定大計且繼文故漢  
祖嫡孫久留邊境使迎還  
立之或可延一綫於將墜  
後此張昭敏實能見及之  
豈其時迎之於邊有所不  
能耶付託失人致釀成禍  
數隕覆其宗劉鈞不能辭  
其責矣

秋七月北漢主鈞歿養子繼恩立。

初世祖劉昺廟號

女適薛釗生繼恩再適何氏生繼元二子

俱幼孤世祖以鈞無子命養爲子鈞嘗謂郭無爲曰繼

恩巽軟非繼世材恐不能了我家事將奈何無爲不對

至是疾篤召無爲付以後事繼恩既嗣位怨無爲初不

助已且惡其專政加守司空外示優禮內實疎之

八月宋遣李繼勳將兵伐北漢。

宋主嘗因謀者謂漢主曰君家與周世讐宜不屈今我

與爾無所間何爲困此一方人也若有志中國宜下太

行以決勝負漢主遣謀者報曰河東土地甲兵不足以

當中國然我家世非叛者區區守此蓋懼漢氏之不血



食也。宋王哀其言，謂諜者曰：「爲我語釣開爾一生路。」故終釣之世不加兵。至是聞其卒，遣李繼勲等以禁軍伐之。

九月，宋李繼勲敗北漢兵于銅鍋河。

卽洞渦水。出平定州壽陽縣，西流至太原。

縣南入汾，亦曰同過水。魏書地形志：四水合道，故曰同過。進薄太原。

北漢主初立，宋兵已入其境，乃遣劉繼業。

本楊重貴，太原人。北漢世

祖賜姓名。馬峰。

太原人。

等領軍扼團柏谷。

注見前。

峰至銅鍋河，繼

勲前鋒將何繼筠擊破之，斬首三千級，遂奪汾河橋，薄

太原城下，焚延夏門。北漢主大懼。

北漢司空郭無爲弑其主繼恩而立其弟繼元。

繼恩欲逐郭無爲，畏懦不能決，月餘，供奉官侯霸榮率

十餘人挺刃入閤。反扃其門。時繼恩獨處喪次。見之驚起。繞屏環走。霸榮以刃搥其胸。弑之。無爲使人梯屋入。殺霸榮。繼恩立。纔六十餘日。并人疑無爲授意于霸榮。亟殺之以滅口。無爲與羣臣議立繼恩之弟繼元。參議中書事張昭敏獨曰。少主非劉氏。故嗣位不終。今宜立宗姓以慰民望。世祖嫡孫繼文久留契丹。初。鈞旣收元。輒拘繫。使者數輩。乃令繼文往請命。亦被留不遣。歷險阻。宜迎立之。可以固宗社。結虜援。無爲不從。以繼元易制。遂立之。

冬十月。宋貶雷德驤。

字善行。同州郃陽人。

爲商州司戶參軍。

德驤判大理寺。寺之官屬與堂吏附會宰相趙普。增減刑名。德驤憤惋。求見宋主。面白其事。未及引對。卽直詣



講武殿奏辭氣俱厲。并言普彊市人第宅聚斂財賄。宋主怒叱之曰。鼎鑄尚有耳。汝不聞趙普吾社稷臣乎。引柱斧擊折其上齧。音鄂。齒上肉也。二齒命左右曳出之。詔處以極刑。既而怒解。止以闕入之罪黜之。

十一月遼救北漢。宋李繼勲引還。北漢遂入宋晉絳州。

北漢主遣使告即位于遼。且乞師。遼主遣耶律塔魯字

嚙袞。六院部郎。君努古濟之後。將諸道兵救之。宋主亦遣使賁詔諭北

漢主令降。約以平盧節度使授之。又別賜郭無爲詔。許

以邢州節度。無爲得詔色動。勸北漢主納款。北漢主不

從。會李繼勲等聞遼兵將至。皆引歸。北漢因大掠宋晉

絳二州。按塔魯舊作撻烈。尼嚙袞舊作涅魯。衰努古濟舊作裏古直。今並改正。

宋主享太廟。翌日郊。

初。宋主入太廟。見其所陳籩豆簠簋。問曰。此何物也。左右以禮器對。宋主曰。吾祖宗寧識此。亟命撤去。進常膳如平生。既而曰。古禮不可廢也。命復設之。判太常寺和峴請遵唐故事。每室加常食一牙盤。從之。自是三年而郊。郊必先享太廟。禮畢。加恩肆赦。以爲常制。

北漢主劉繼元弑其母郭氏。

繼元妻段氏常以小過爲孝和

劉謐

后郭氏所責。既而

病卒。繼元疑后殺之。后方縗服哭孝和帝于柩前。繼元遣其嬖臣范超執而縊殺之。宮中嬪御遭罹逼辱。無復嫌間。世祖十子鎬鎡錫最有賢行。繼元聽羣小之譖幽



囚之。未踰年皆死。

唐建澄心堂于內苑。

初。元宗創清輝殿于北苑。命徐遊

知誨子。

與張洎

初字師閏。改字

偕仁。徐州全椒人。

爲學士入直其中。至是唐主復于殿北建澄

心堂。爲朝廷內地。遊與其兄遼居中用事。卽以從子元

耦爲員外郎。凡機事密畫中旨皆自澄心堂出。元耦宣

行之。由是中書樞密俱同散地。

唐主留意聲色。先納周宗女爲后。后通書史。尤

善音律。霓裳羽衣曲。久絕不傳。后按殘譜。盡得其聲調。徐遊等從旁稱美。有狎客風。后有妹。姿容絕麗。以姻戚

往來宮中。得幸于唐主。唐主製小令艷詞。頗傳于外。后卒。竟冊立之。被寵逾于故后。

已宋開寶二年。是已歲。凡四國一鎮。

春二月。遼弑其主烏里

舊作兀律。今改正。

于懷

州。遼置在今巴林部西北廢慶州界。金史地理志。慶州有遼懷州。城中有遼行宮。

遼主耽酒好畋嗜殺不已

嘗以虞人偵鷺失期加炮烙鐵梳之刑又以獲鴨甚歡除

鷹坊刺面之令

刑政紊亂國人怨之至是畋于懷州獲熊歡飲

醉還行宮夜分近侍肖格監人華格庖人錫古等弑之

按肖格舊作小哥哥華格舊作化哥錫古舊作辛古今並改正

宋主自將擊北漢三月圍太原

李繼勲等既還宋主謀再舉以問魏仁浦曰朕欲親征

太原何如仁浦曰欲速則不達惟陛下重之宋主不聽

命繼勲等將兵先赴太原以光義爲東京留守自將發

汴三月至太原築長連城圍之立砦于城四面繼勲軍

于南趙贊軍于西曹彬軍于北党進

朔州馬邑人

軍于東北

漢劉繼業等乘晦突門犯東西砦戰敗而遁宋主又命



壅汾晉二水以灌城。漢人大恐。郭無爲復勸北漢主出降。漢主不從。一日因宴羣臣。無爲痛哭于庭曰。奈何以空城抗宋百萬之師乎。引佩刀欲自殺。冀動衆心。漢主遽降階執其手。引之升坐。乃止。

遼耶律賢

字賢寧。約鄂次子。立。

賢聞遼主被弑。帥甲騎千人。馳赴懷州卽位。改元保寧。號烏里曰穆宗。以蕭守興爲尙書令。納其女葉葉爲后。

賢嬰風疾。國事皆后決之。

考遼史。景宗后蕭氏諱綽。小字葉葉。北府宰相思溫女。思

溫。小字英格。宰相達魯之族弟。華默哩之子。按葉葉舊作燕燕。英格舊作寅古。華默哩舊作忽沒里。今並改。

夏四月。遼復救北漢。宋韓重贊等擊敗之。

初。宋主度遼人必由鎮定。救太原。使重贊倍道兼行赴

之。又聞其分道。一自石嶺關。

在太原府城東北。與忻州接界。

入。召何繼

筠逆擊。授以方畧。繼筠遇遼兵于陽曲。大敗之。斬首千

餘級。重贊亦先陣于嘉山。

在定州曲陽縣東。亦曰嘉禾山。

遼兵自定州

西入。見旗幟大駭。欲遁。重贊急擊。大破之。擒其首領三

十人。宋主命以所獲遼俘示于城下。城中喪氣。憲州判

官史昭文。嵐州刺史趙文度。各以城降宋。

閏五月。宋主引還。

太原圍久不下。宋將石漢卿等戰死。北漢兵亦屢敗。遼

復遣南大王者。將兵援北漢。宋東西班都指揮使李懷

忠

涿州范陽人。

曰。敵勢已困。若選勁兵急攻。破在旦夕。都虞

候趙廷翰請先登。宋主壯之。俾率衆攻城。戰不利。懷忠



中流矢幾死。會暑雨。軍士多疾。太常博士李光贊上書請班師。宋主以問趙普。普亦以爲然。乃分兵屯鎮潞。徙北漢民萬餘戶于山東河南而還。北漢主籍宋所棄軍儲得粟三十萬茶絹各數萬。喪敗之餘。賴此少濟。

北漢郭無爲伏誅。

太原之圍。南城爲汾水所陷。郭無爲謀出降。因請自將夜擊宋。北漢主信之。選精騎千人付無爲。自登七夏門送之。無爲行至北橋。值風雨晦冥而止。至是。閹人衛德貴告其事。且言無爲獻地之謀。蹤跡屢露。反狀明白。不可赦。北漢主乃殺之以徇。

冬十月。宋罷王彥超等節度使。

蘇頌平時常言帝王自有天命且笑周世宗殺方面大耳之非居然豁達大度者乃於蒂未忘疑黃袍之復加恐劇鎮之難制且不以正道消禍于未然徒以杯酒詭辭釋丘權罷劇鎮豈篤于言天而明于為政者耶

鳳翔節度使王彥超及諸藩鎮入朝宋主宴于後苑酒酣從容謂之曰卿等皆國家宿舊久臨劇鎮王事鞅掌非朕所以優賢之意也彥超諭意即前奏曰臣本無勲勞久冒榮寵今已衰朽乞骸骨歸邱園臣之願也安遠職方考後唐以安州為安遠軍節度使武德行護國注見前節度使郭從義定國寰宇記宋以同州為定國軍節度使白重贊保大注見前節度使楊廷璋競自陳攻戰閱閱及歷履艱苦宋主曰此異代事何足論明日皆罷鎮奉朝請

庚宋開寶三年是午歲凡四國一鎮春正月遼遣北漢使者劉繼文等歸

先是遼所留北漢使者凡三十六人至是遼主盡厚禮而遣之仍移書北漢主以劉繼文同平章事繼文魁梧



有氣局。沉毅寡言。久留于遼。遼主甚敬禮之。及歸秉國政。左右害其寵。多譖毀之。北漢主乃出爲代州刺史。

宋徵處士王昭素。酸棗人。爲國子博士。

昭素有學行。宋主召見便殿。年已七十餘。席講周易乾卦。至九五飛龍在天。昭素斂容曰。此爻正當陛下今日之事。援引証據。因示諷諫微旨。宋主嘉之。問以治世養身之術。對曰。治世莫若愛民。養身莫若寡慾。宋主愛其言。書于屏几。昭素以衰老求歸。鄉人服其德。凡爭訟者多就決之。

夏四月。辛未朔。日食。

秋。七月。宋省州縣官。增其俸。

詔曰。吏員猥多。難以求治。俸祿鮮薄。未可責廉。與其冗

員而重費。不若省官而益俸。諸州縣宜以戶口爲率。差減其員。舊俸月增給五千。

九月。宋詔修前代帝王陵盜發者。

宋遣潘美將兵伐南漢。

南漢侵宋道州。刺史王繼勳上言。劉鋹殘暴。數出寇邊。請南伐。宋主未欲遽加兵。乃令南唐主爲書諭鋹。使稱臣。歸所侵湖南舊地。鋹囚唐使。驛書答唐主。言甚不遜。唐主上其書。宋乃以潘美爲桂州道行營都部署。尹從珂爲副。以伐之。時南漢舊將。多以讒搆誅死。宗室剪滅殆盡。掌兵者惟宦官數輩。自南漢主晟以來。耽于遊宴。城壁濠隍。多飾爲宮館池沼。樓艦皆毀。兵器又腐。及聞



列象為陳自是南蠻故智  
乃宗慈破之以假獅潘美

有宋師內外震恐乃遣龔澄樞馳往賀州畫守禦策澄  
樞聞宋前鋒已至芳林鎮名在平樂府賀縣東北遁還宋師遂圍賀

州南漢主遣其將伍彥柔以兵援賀潘美以奇兵擒彥

柔斬之

美聞彥柔至潛以奇兵伏南鄉岸彥柔乘夜艤舟岸側運明挾彈登岸踞胡床指揮宋伏兵猝

起彥柔軍大亂遂擒之梟其首示城中

南鄉舊鎮名今日信都在賀縣南

翼日城遂破先

是南漢大臣皆請起故將潘崇徹

咸寧人以前統罷職

南漢主不

從及聞賀州陷乃令崇徹領兵三萬屯賀江

注見前

會美

徑趨昭州崇徹但擁衆自保十月美次昭州克之又拔

桂連二州

南漢主謂左右曰昭桂連賀本屬湖南今北師取之足矣吾知不復南也

乘勝遂

攻韶州南漢主以李承渥為都統將兵十餘萬陳于蓮

花峯下

在韶州府曲江縣南

南漢主教象為陳每象載十數人皆

射之以勁弩。驚奔反蹠。輒遭敗。劍法不相襲。而制勝則同。神而明之。在乎人之善用。爾且昆陽之戰。虎豹亦為股栗。猛獸又烏足畏哉。

執兵仗軍容甚壯。美集勁弩射之。象奔蹠。乘者皆墜。反踐承渥軍。承渥大敗。僅以身免。韶州遂陷。韶嶺南北門也。既陷。南漢主鋹窮蹙。不知所為。顧諸將無可使者。宮媼梁鸞真薦其養子郭崇岳可用。鋹以為招討使。與大將植廷曉氏族畧南越有植姓統軍六萬屯馬逕地名在廣州府南海縣西以禦宋師。

辛未唐改號江南。凡三國一鎮。宋開寶四年。是歲。宋滅南漢。春二月。宋潘美大破南漢兵于馬逕。遂克廣州。南漢主鋹降。南漢自劉隱據廣州。至鋹亡。凡五主。合六十五年。

潘美克英雄二州。皆南漢置。英州。今韶州府英德縣是。雄州。今南雄府是。潘崇徹以其眾降。美進次隴頭。水名。在英德縣南。其地險隘。兩山夾峙。水多激石。南漢



主遣使請和且求緩師。美不許。進兵馬逕去廣城十里。

砦于雙女山。

一名鳳山。在南海縣西。

下南漢主懼。遣其左僕射蕭

渙奉表詣軍門乞降。美卽令人送渙赴汴。宋師遂頓城外。南漢主將遣其弟保興率百官出迎。郭崇岳止之。乃復爲扞禦之計。遣保興率國內兵拒戰。崇岳無謀勇。惟日禱鬼神爲事。旣而宋師濟水。植廷曉力戰。不勝。死于陣。崇岳奔還其柵。美謂諸將曰。彼編竹木爲柵。若篝火焚之。必擾亂。因而夾擊之。此萬全之策也。遂分遣丁夫。人持二炬。間道造其柵。會夜大風。萬炬俱發。煙埃坌起。南漢軍大敗。崇岳死于亂兵。龔澄樞與李托謀縱火焚府庫宮殿。一夕皆盡。明日鋹出降。美入城。俘其宗室官

屬。

保興逃于民家亦獲之。

悉送汴。有宦者百餘輩。盛服請見。美曰。

是祿人多矣。吾奉詔伐罪。正爲此等。悉斬之。凡得州六十縣二百四十。

宋加潘美山南東道節度使。

夏六月。宋誅南漢宦者龔澄樞李托。賜劉鋹爵恩赦侯。

鋹至汴。宋主遣呂餘慶問鋹反覆及焚府庫之罪。鋹歸罪龔澄樞李托。明日。有司以帛繫鋹及其官僚。獻于廟社。宋主御明德門。遣刑部尚書盧多遜宣詔責鋹。鋹對曰。鋹年十六僭位。澄樞等皆先臣舊人。每事臣不得專。在國時。臣是臣下。澄樞是國主。遂伏地待罪。宋主命大理寺卿高繼申引澄樞托。斬于千秋門外。釋鋹罪。賜龔



衣冠帶器幣鞍馬授檢校太保右千牛衛上將軍封恩

赦侯

銀體質豐碩眉目俱踈有口辯性巧絕其寶貨燔

龍之狀

極其精妙以獻宋主謂左右曰銀好工巧習以

性成儼

能移于治國豈至滅亡哉銀在國時多置醢毒

臣下

一日從宋主幸講武池從官未集銀先至賜以卮

酒

銀疑有毒泣曰臣承祖父基業違拒朝廷勞王師致

訖罪固

當誅陛下既待臣以不死願為大梁布衣觀太

平之盛

未敢飲此酒宋主笑曰朕推赤心于人腹中安

有此事

命取銀酒自飲

別酌

以賜銀銀大慙謝

宋御史中丞劉溫叟卒

溫叟為中丞十二年屢求解職宋主難其代不許至是

卒

溫叟重厚清介好古執禮一日晚過明德門西闕前

宋主方與中黃門數人登樓溫叟知之令傳呼依常

而過

翼日請對且言人主非時登樓則下必希望恩賞

臣所以

呵道而過欲示眾以陛下非時不登樓也宋主

登樓遠眺于政體何嘗希  
恩望貴人之常情亦不待  
登樓而後生也溫叟傳呼  
徑過時蓋未知宋祖在樓  
既覺而懼蹈非禮之愆故  
矯辭以對且欲獵取直名

冬十月癸亥朔日食。

十一月唐貶國號曰江南遣使朝宋。

唐主事宋甚謹。每聞宋有嘉慶吉凶之事。必遣人貢獻

弔賀。外示畏服。內實修備。及南漢亡。懼甚。使其弟從善

上表于宋。乞去國號。改印文爲江南國主。且請賜詔呼

名。宋主許之。先是唐主以銀五萬兩遺趙普。普以白宋

其使者可也。普辭。宋主曰。此不可不受。但以書答謝。少賂

使之弗測。及從善來朝。常賜外密賚白金如遺普之數

服宋主之偉度。

河決澶州。東匯于鄆濮。壞民田廬。宋主怒官吏不卽以聞。通判姚

恕坐棄市。



壬宋開寶五年是申歲凡三國一鎮春二月江南主殺其南都留守林仁肇

初仁肇密陳淮南戍兵少宋前已滅蜀今又取嶺南道

遠師疲願假臣兵數萬自壽春徑渡復江北舊境彼縱

來援臣據淮禦之勢不能敵兵起日請以臣叛聞于北

朝事成國享其利敗則族臣家明陛下無二心江南主

不聽宋忌仁肇威名賂其侍者竊取仁肇畫像懸別室

引江南使者觀之問何人使者曰林仁肇也曰仁肇將

來降先持此爲信又指空館曰將以此賜仁肇使者歸

白江南主江南主不知其間鵠殺仁肇又沿江巡檢盧絳募亡命習水

戰屢破吳越兵于海門亦嘗說江南主曰吳越仇讐也

他日必爲北朝掎角臣請詐以宣歙叛陛下聲言討臣

且乞兵吳越至則躡而攻之其國可取江南主亦不用盧絳字晉卿宜春人

夏五月大雨河決宋主出宮人。

大雨河決濮陽。宋主命潁州團練使曹翰往塞之。因謂曰。朕信宿以來焚香告天。若天災流行。願在朕躬。勿施于民。翰拜曰。宋景公一發善言。災星爲之退舍。今陛下憂民如此。必不能爲災也。宋主又謂宰相曰。霖雨不止。朕日夜罔知所措。得非時政有闕邪。趙普對曰。陛下憂勤庶政。苦雨爲災。乃是臣等失職。宋主曰。朕恐掖庭幽閉者衆。昨令徧籍後宮。凡三百八十餘人。因諭願歸其家者。具以情言。得百名。悉厚賜遣之。普等皆頓首服。

秋九月丁巳朔日食。

宋以辛仲甫

字之翰。汾州孝義人。爲四川兵馬都監。



宋主問趙普以文臣有武幹者。普以左補闕辛仲甫對。宋主遂用之。因謂普曰。五代方鎮殘虐。民受其禍。朕今用儒臣幹事者百餘人。分治大藩。縱皆貪濁。亦未及武臣之一也。

癸宋開寶六年。是西歲。凡三國一鎮。春三月。鄭王郭宗訓卒。宋人葬之。諡曰

周恭帝。

鄭王卒。宋主素服發喪。輟朝十日。諡曰周恭帝。還葬慶

陵。世宗陵。五代史注。在鄭州管城縣。之側。號曰順陵。

宋初殿試貢士。

翰林學士李昉。字明遠。涇州饒陽人。知貢舉。有進士徐士廉訴昉

用情舍取。宋主乃擇終場下第并已舉者。親御講武殿。

給紙筆別試得進士諸科百二十七人

進士二十六人五經四人開元

禮七人三禮三十八人三傳二十六人三史三人學究十八人明法五人共百二十七人續編作百二十五人

誤今改正皆賜及第且賜錢二十萬以張宴會責昉為太常

少卿殿試遂為永制

夏五月宋行開寶通禮

初宋主命李昉劉溫叟重定開元禮附以國朝制度損

益為書二百卷號通禮至是行之

交州丁璉入貢于宋宋封璉為交趾郡王

梁末交州土豪曲承美乘中國之亂據有十二州之地

唐書地理志安南都護府領交陸峯愛謹長福祿湯之武我演武安十二州

南漢遣將李

順攻承美執之置交趾節度使乾德初節度使吳昌



死。其參謀吳處坪等爭立。攝謹州刺史丁部領擊敗處坪等。自領交州帥。號大勝王。署其子璉為節度使。尋遜璉位。南漢既亡。璉入貢于宋。宋授璉靜海軍節度使。加封爵。考宋史交趾傳。開寶六年。丁璉內附。授檢校太師。充靜海軍節度使。安南都護。八年。璉復修貢。封交趾郡王。沈括夢溪筆談。亦以璉封王在開寶八年。為安南封王之始。與續編所載不同。

秋八月。宋趙普免。

普獨相十年。為政頗專。嘗以私怨誣馮瓚。字禮臣。齊州人。李美

李檣以賊論死。瓚流沙門島。十年不得召。廷臣多忌之。宋主嘗幸其第。會吳越遣

使致書于普。及海物十瓶。置于廡下。未及發而宋主至。倉卒不暇屏。宋主顧問何物。普以實對。宋主曰。海物必佳。即命啓之。皆瓜子金也。普惶恐謝曰。臣未發書。實時不知。宋主曰。第受之。彼謂國家事。皆由汝書生爾。時

官禁私販秦隴大木。普遣親吏詣市屋材。聯巨筏至汴。

治第。吏因之竊貨大木。冒稱普市。貨鬻都下。三司使趙玘以聞。宋主大怒。卽欲逐普。王溥力爲救解。得止。盧多遜與普不協。數因入對短普。宋主滋不悅。初。雷德驤之貶商州也。知州奚嶼希普意。奏德驤怨望。坐削籍流靈武。其子有隣意普害之。擊登聞鼓。訴中書不法事。宋主怒。悉下御史獄鞠實。始疑普。詔呂餘慶薛居正與普更知印押班奏事。以分其權。普不自安。求罷政。遂出爲河陽三城節度使。以有鄰爲秘書省正事。召德驤爲秘書丞。普至河陽。上表自訴曰。外人謂臣輕議皇弟開封尹。光義爲開封尹。皇弟忠孝全德。豈有間然。矧昭憲皇太后大漸之際。臣實預聞顧命。知臣者君。願賜昭鑒。宋主手封其



表藏之金匱

宋主封其弟光義為晉王班宰相上

又以弟光美

注見前

兼侍中子德昭同平章事

冬十二月宋起復盧多遜參知政事

古今載籍極博豈能一一記誦不爽顧問即有所未知據實以對亦何所損學問之道事君之禮豈嘗以不欺為貴若預探所問書冊揣摩強識即此飾偽之一念已不堪以對君父縱應答無滯亦奚足貴多遜心術不端于此可見

多遜敏給任數謀多奇中以翰林學士判史館宋主好讀書每取書館中多遜預戒吏令必白已知所取書因通夕閱覽及召對宋主問書中事應答無滯同列皆服拜參知政事未幾以父喪去位詔起復之多遜父億有高識惡其子所為曰趙普元勳也而小子毀之我得早死不見其敗幸也

北漢主殺其大內都點檢劉繼欽

世祖旻諸孫

北漢主立親舊多所誅放繼欽謝病黜居交城隋縣今屬太原

府遣人殺之北漢主性殘忍凡臣下有忤意必族其家

勝紀大將張崇訓鄭進衛儔故相張昭敏樞密使高仲曦等先後俱以讒見殺

甲宋開寶七年是戊歲凡三國一鎮春二月庚辰朔日食

夏五月江南遣使如宋

江南主天性友愛弟從善使宋被留江南主悲戀不已

歲時宴會皆罷作登高文以見意至是遣常州刺史陸

昭符金陵人入貢奉手疏求從善歸國宋主不許

秋九月宋遣曹彬將兵伐江南

宋主欲伐江南而無名遣知制誥李穆字孟雍陽武人諭江南

主人朝江南主將從之其門下侍郎陳喬曰臣與陛下



俱受元宗顧命。今社必見留。其若社稷何。臣雖死無以見元宗于九泉矣。內史舍人張洎亦勸其主無入朝。江南主遂稱疾固辭。且言謹事大朝。冀全濟也。今若此有死而已。穆曰。朝與否。國主自處之。然朝廷甲兵精銳。物力富雄。恐不易當也。宜熟思之。無貽後悔。江南主不從。而遣使求封冊。宋主不許。命梁迥博州聊城人復使諷之入朝。江南主不答。迥還。宋主乃命曹彬爲西南路行營都部署。潘美爲都監。曹翰爲先鋒。將兵十萬以伐之。自王全斌平蜀。多殺降卒。宋主每恨之。至是。彬等入辭。宋主誠彬曰。江南之事。一以委卿。切勿暴掠生民。務廣威信。使自歸順。不煩急擊也。又曰。城陷之日。慎無殺戮。設若

困鬪則李煜一門不可加害。且以劍授彬曰：副將而下，不用命者斬之。潘美等皆失色。彬自荆南發戰艦東下。江南屯戍，皆謂每歲宋所遣巡兵，但閉壁自守，奉牛酒犒師，尋覺異于他日。池州將戈彥棄城走。彬入池州，敗江南兵于銅陵。南唐縣，今屬池州府。進次采石磯。注見前。冬十月，宋加吳越王俶昇州東南行營招撫制置使。

先是，俶使判官王彝簡

字明舉，福州人。

入貢于宋。宋主謂之曰：

江南強，偪不朝。我將討之。元帥當助我，無惑于人言。尋密告以師期。至是，加俶行營招撫制置使。

十一月，宋潘美渡江。江南將鄭彥華

福州人。

等拒戰，敗走。

初，池州人樊若水

字仲師，後更名知古。

舉進士不第，因謀歸宋，乃



漁釣采石江上。乘小舟。載絲繩其中。維南岸疾櫂抵北岸。凡十數往返。得江之廣狹。因詣汴上書。言江南可取狀。請造浮梁以濟師。宋主然之。以爲右贊善大夫。遣使往荆湖造黃黑龍船數千艘。又以大艦載巨竹。絙自荆渚而下。或謂江濶水深。古未有浮梁而濟者。乃先試于石牌口。今日石牌市。在安慶府懷寧縣西。與池州府分界。移置采石。三日而成。不差尺寸。潘美因帥步兵渡江。若履平地。時江南久不用兵。老將皆沒。主兵者多新進。以功名自負。聞兵興。踴躍言利害者。日數十人。江南主以鎮海節度使同平章事鄭彥華督水軍萬人。都虞候杜真領步軍萬人。同逆宋師。將行。江南主誠之曰。兩軍水陸相濟。無不捷矣。彥

EAST ASIAN LIBRARY  
UNIVERSITY OF TORONTO LIBRARY  
宋史卷之二十一  
華以戰艦鳴鼓汴流而上。急趨浮梁。潘美麾兵擊敗之。  
真以所部接戰。彥華不能救。亦敗。金陵始戒嚴。下令去  
開寶之號。益募民爲兵。民以財粟獻者。官爵之。

宋始修日歷

史館修撰扈蒙

字日用。幽州安次人。

請修日歷。宋主從之。命宰輔

日錄時政送史館。仍以盧多遜專其職。



御批歷代通鑑輯覽卷之七十二

宋起太祖建隆元年庚申至帝昺祥興二年已卯凡十八帝十三世共三百二十年

太祖皇帝

帝姓趙氏名匡胤涿郡人父弘殷周檢校司徒岳州防禦使弘殷曾祖眺唐

幽都令眺生珽唐御史中丞珽生敬涿州刺史敬生弘殷母杜氏後唐天成二年帝

生於洛陽夾馬營赤光繞室異香經宿不散人謂之香孩兒營夾馬營在洛陽縣東北

既長容貌雄偉器度豁如識者知非常人仕周從世宗

征伐屢立大功事具前人望歸之及世宗殂恭帝立陳橋

兵變事具前遂踐周位而有天下定國運以火德王色尚赤臘用戌

乙亥開寶八年是歲江南亡唯北漢至太宗太平興國四年乃亡續綱目依朱子綱目唐高祖武德七年

例於宋用大書春二月曹彬大敗江南兵于秦淮注見前進

圍金陵

彬連破江南兵于白鷺洲。

在江寧縣西南江中。

新林港。

即新林浦。注見前。

遣田欽祚

潁州汝陰人。

攻溧水。

隋縣今屬江寧府。

江南統軍使李雄

淮人。一作張雄。

謂諸子曰：吾必死于國難，爾曹勉之。父子八人

皆没于陳。欽祚遂克溧水。彬大軍進次秦淮，江南兵水

陸十萬，陳于城下。時舟楫未具，潘美率兵先赴，遂涉水。

大軍隨之。江南兵大敗。馬軍都虞候李漢瓊

洛陽人。

率所

部取巨艦，寔以葭葦，因風縱火，拔其城南水寨。又拔關

城守陴者爭遁，溺死千計。

初，陳喬、張洎為江南主謀，請

弗憂也。曰：于後苑引僧及道士誦經講易，高談不恤政

事。軍書告急，非徐元禰等莫得通。宋師駐城下累月，江

南主猶不知。時兵事皆屬神衛統軍都指揮使皇甫繼勳，繼勳素貴驕，初無效死意，但欲其主速降，而口不敢

南唐後主荒於政事，驕而流傳視玉樹後庭相去無幾。宋師臨城下，猶然不知戒嚴，方且誦經講易高談自若。與梁元帝之圍城中



講老三千載一職宴安編  
毒實乃自亡其國豈得盡  
諉為氣數哉

發每與衆言輒云北軍強勁誰能敵之聞兵敗則喜曰  
吾固知其不勝也偏裨有募死士欲夜出邀宋師者繼  
勲必杖其背拘囚之一日江南主自出巡城見宋師列  
柵旌旗滿野知為左右所蔽始驚懼收繼勲付獄殺之  
皇甫繼勲暉之子

三月遼遣使來通好

先是遼涿州刺史耶律琮貽書宋知雄州孫全興請通  
好全興以聞帝命答書許之至是遼遣使來結成復遣

人告北漢以通好于宋無妄侵伐北漢主聞命慟哭謀

出兵攻遼宣徽使馬峯固諫乃止考宋史太祖紀開寶七年十一月命知雄

州孫全興答契丹修好書八年三月契丹遣使格什古  
星什以書來講和七月遣太常丞呂端使契丹職官分  
紀所載畧同是通和乃遼之意而遼史景宗紀則書宋  
遣使請和以涿州刺史耶律禪珠喇加侍中與宋議和  
復不書格什古星什之聘宋蓋諱之也至耶律琮遼作  
耶律禪珠喇二史所書之名又各不同呂端字易直

餘慶之弟。按格什古星什舊作克沙骨慎思。禪珠喇舊作昌尤今並改正。

夏四月。吳越王俶取江南常州。

俶既受宋命。以沈承禮

湖州烏程人。

權知軍務。而自率兵五

萬攻常州。丞相沈虎子

一作沈倫。

諫曰。江南國之藩蔽。今大

王自撤其藩蔽。將何以衛社稷乎。不聽。進兵拔其關城。

又敗其軍于北界。遣兵攻江陰。

梁縣。今屬常州府。

宜興。注見前。皆

下之。遂拔常州。江南主貽俶書曰。今日無我。明日豈有

君。一旦。明天子易地酬勲。王亦大梁一布衣耳。俶不答。

以書進。帝優詔褒之。

彗星見東方。

秋七月辛未朔日食。



遣使如遼

冬十月江南主使徐鉉來乞緩師不許

江南都虞候劉澄以潤州降江南主危迫遣學士承旨

徐鉉求緩師鉉至言于帝曰李煜無罪陛下出兵無名

煜以小事大如子事父未有過失奈何見伐帝曰爾謂

父子為兩家可乎鉉不能對而還踰月江南主復遣鉉

乞緩師以全一邦之命鉉見帝論辨不已帝按劍怒曰

不須多言江南亦有何罪但天下一家卧榻之側豈容

他人鼾睡耶鉉惶恐辭歸

曹彬將王明字如晦大大破江南兵于皖口注見前獲其都

虞候朱令贊舒城人延壽之孫

五季國鎮割據域內幾如瓜剖豆分宋太祖有混一海宇之志南唐不能如吳越納土以保其宗祀而又庸暗寡識不早為備其敗亡固有以自取宋祖不容鼾睡之語其豁達大度竟有與漢高並駕齊驅之概

先是江南主遣使召令贇以上江兵入援令贇衆號十

五萬自湖口

南唐縣今屬九江府鄱陽湖由此入江故名

順流而下將焚采

石浮梁彬聞之遣戰擢都部署王明密令人樹長木于

洲渚間若帆檣之狀令贇望見疑有伏逗撓不敢進明

因移檄諸將犄角襲之及是令贇乘大航建大將旗鼓

至皖口明合步軍將劉遇

滄州清池人

急攻之令贇勢促因

縱火拒戰會北風甚火反及之衆大潰遂擒令贇金陵

獨恃此援由是孤城愈危蹙矣

十一月曹彬克金陵江南主煜降門下侍郎陳喬死之

彬遣人謂江南主曰事勢如此所惜者一城生聚耳若

能歸命策之上也某日城必破宜早爲之所江南主不



聽一日。彬忽稱疾。不視事。諸將皆來問疾。彬曰。余之疾。非藥石所能愈。惟須諸君誠心自誓。以克城之日。不妄殺一人。則自愈矣。諸將許諾。共焚香爲誓。明日。彬卽稱愈。又明日。城陷。初。陳喬張洎約同死社稷。然洎實無死志。至是。喬徑入白江南主曰。今日國亡。願加顯戮。以謝國人。江南主曰。此乃歷數。卿死無益也。喬曰。縱不殺臣。臣何面目以見士人乎。遂自經死。勤政殿學士鍾蒨朝服坐於家。兵及門。亦舉族死之。鍾蒨。字德林。豫章人。江南主率臣僚詣軍門請罪。彬慰安之。待以賓禮。請煜入宮治裝。彬以數騎待宮門外。左右密謂彬曰。煜入或不測。奈何。彬笑曰。煜素懷無斷。旣已降。必不能自引決。煜治裝畢。遂與其宰相湯悅等四十

五人赴汴京。彬自出師至凱旋。士衆畏服。無敢輕肆。克城之日。兵不血刃。凡得州十九。軍三縣一百八十。捷至。羣臣稱賀。帝泣曰。宇縣分割。民受其禍。攻城之際。必有橫罹鋒刃者。實可哀也。命出米十萬賑卹之。

丙子九年。

十二月。太宗皇帝太平興國元年。

春正月。曹彬振旅還。詔賜李煜

爵違命侯。

彬俘江南主李煜還汴。帝御明德門。以煜嘗奉正朔。命勿宣露布。止令煜君臣白衣紗帽。至樓下待罪。詔並釋之。賜冠帶器幣鞍馬有差。授煜檢校太傅。右千牛衛上將軍。封違命侯。子姓從官。皆錄用之。因赦天下。帝責張洎曰。汝書教煜不降。使至今日。因出洎所草召上江援兵。蠟丸書示之。洎謝曰。書實臣所爲。犬吠非其主。此其一耳。他尚

張洎教李煜不降。義本近正。既乃靦顏受職而不辭。



雖其當宋祖面責時抗詞以得死為幸者正借以饒倖免死耳。洎後詔附中涓揣摩于進直是儉巧之流宋祖爾時蓋為其所愚而不覺矣。

多。今得死。臣之分也。帝奇之。以為太子中允。

二月。以曹彬為樞密使。

初。彬之伐江南也。帝謂曰。俟克李煜。當以卿為使相。潘美預以為賀。彬曰。不然。夫是行也。仗天威。遵廟謨。乃能成事。吾何功哉。况使相極品乎。美曰。何謂也。彬曰。太原未平耳。及還。帝謂曰。本授卿使相。然劉繼元未下。姑少待之。美視彬微笑。帝詰之。美以實對。帝亦大笑。乃賜彬錢五十萬。彬退曰。人生何必使相。好官不過多得錢耳。未幾。乃拜樞密使。

吳越王俶來朝。

帝謂吳越使者曰。元帥克毘陵。

今常州府治。漢為毘陵縣。

有大功。俟

平江南。可暫來與朕一相見。以慰延想。卽當復還。朕三  
執玉帛以見上帝。豈食言乎。至是。倂與妻孫氏。子惟濬  
字禹入朝。帝賜禮賢宅以居。親幸宴之。賞賚甚厚。賜倂  
劍履上殿。書詔不名。命與晉王敘昆弟之禮。倂固辭。乃  
止。留兩月。遣還。賜以一黃祗。封識甚固。戒倂曰。途中宜  
密觀。及啓之。則皆羣臣乞留倂章疏也。倂益感懼。

三月。帝如西京。夏四月。郊大赦。

帝以江表底定。方內大同。欲西幸以行郊禮。三月。如西

京。次鞏縣。遂拜安陵。

宣祖陵。

賜河南今年田租之半。奉陵

戶復一年。至洛陽。四月。祭天地于南郊。都民垂白者相  
謂曰。我輩少經離亂。不圖今日。復觀太平天子儀衛。有



泣下者。祭畢大赦。宴賜親王羣臣有差。還宮。

帝欲留都洛陽。羣臣咸諫。弗聽。晉王光義言其非便。帝曰。遷河南未已。終當居長安耳。光義問其故。帝曰。吾欲西遷。據山河之勝。以去冗兵。循周漢故事。以安天下也。光義曰。在德不在險。力請還汴。帝不得已。從之。因嘆曰。不出百年。天下民力殫矣。

曹翰屠江州。殺江南守將胡則。

江南州郡皆降。獨江州指揮使胡則。殺刺史謝彥賓。集衆固守。曹翰圍之四月餘。則力屈被執。翰殺之。因縱其兵。悉取貲財而屠其民。

秋八月遣侍衛都指揮使党進率兵伐漢九月敗漢兵于太原遼救之

帝命党進潘美楊光美并州人後避太宗舊諱更名美牛思進祁州無極人

米文義率兵分五道以攻太原又遣郭進深州博野人等分

攻忻代汾沁遼右等州所向克捷進敗北漢兵于太原

城北漢主急求救于遼遼主遣其相耶律沙字安隱其先嘗相要

尼氏救之

帝幸晉王光義第

帝友愛光義數幸其第恩禮甚厚光義嘗有疾帝為灼

艾光義覺痛帝亦取艾自灸每對近臣言光義龍行虎

步他日必為太平天子福德非吾所及也

弟有疾而臨問或視其療治友愛如是而已灼艾自有專科非他人所能越俎視為憐灼豈遽能觸病及覺痛而引以自灸更無補



於病者之苦此與唐開元之煮藥燼鬚同一不近情理而宋祖則尤有甚焉者矣

節用愛民人君治平要道無過於是至云爲天下守財何其見之小哉此與俗所謂看財奴何以異乎無識者或以爲格言然二典三謨中又豈間有此等語句耶

冬十月帝崩晉王光義卽位是爲太宗

癸丑夕帝崩于萬歲殿帝孝友節儉質任自然不事矯飾一日罷朝坐便殿不樂者久之左右請其故曰爾謂爲天子容易耶早作乘快誤決一事故不樂耳宮中葦簾緣用青布常服之衣澣濯至再永康公主帝之女嘗衣貼繡鋪翠襦帝曰汝服此衆必相倣禁之一日勸帝以黃金飾肩輿帝曰我以四海之富宮殿飾以金銀力亦可辦但念我爲天下守財耳豈可妄用尤注意刑辟嘗讀二典嘆曰堯舜之罪四凶止從投竄何近代法網之密耶故定爲折杖法以遞減流徒杖笞之刑自開寶以來犯大辟非情理深害者多得貸死惟賊吏棄市則未



嘗貴。及是崩。晉王在南府。宦者王繼恩中夜馳詣府邸。

召王入。

薛應旂通鑑。宋后見晉王。遽呼曰。吾母子之命。俱託于王。王泣曰。共保富貴。無憂也。考宋史。宋

后傳。不載此語。今不取。

甲寅。王遂卽位。號宋后曰開寶皇后。明年。

遷之西宮。

李燾長編云。王子。帝不豫。夜召晉王。屬以後事。左右皆不得聞。但遙見燭影下。晉王時或

離席。若有所避。遜之狀。既而上引柱斧戮地。大聲謂晉

王曰。好爲之。已而帝崩。考長編所載。出吳僧文瑩湘山

野錄。山僧野史。說本無稽。且燾書作于李宗之世。去開

寶時。幾二百年。傳聞曖昧。豈足爲據。乃竟採而錄之。于

是元陳桎通鑑續編。胡一桂史纂通要。皆依其說。明邱

濬。程敏政。深辨其非。商輅等修續綱目。削而不書。別于

圈外。畧摘數語。以示傳疑。李東陽等通鑑纂要。因之。今

據宋史。宦者王繼恩傳。太祖崩。太宗在南府。繼恩中

夜馳詣府邸。請太宗入。是太祖崩後。太宗方入。何來燭

影。斧聲之事。長編又以太祖崩于壬子夜。而宋史太祖

紀。大書癸丑。帝崩。今一依正史爲據。餘說皆不取。再

考宋后傳。后遷西宮。在太平興國二年。續綱目諸書。皆

係之晉王卽位之下。今亦依正史。因

史無日月。仍係于此。而以明年別之。

燭影斧聲。千載以爲疑案。其實無可疑也。長編作於孝宗之世。孝宗爲太祖後。故李燾敢肆其曖昧之辭。污蔑太宗。而以實錄不記。顧命爲証。獨不思至道三年。太宗亦未嘗有顧命。是豈又有他故耶。且宋史作於元時。元子宋非有所證。若長編果有可信。當必探之而全史竟不一及。則其說之誣妄。更不待言而可知矣。



以弟廷美即光美爲開封尹。封齊王。兄子德昭封武功郡王。

德芳太祖第四子爲興元尹。

尋詔太祖廷美子女並稱皇子皇女以示一體。

以盧多遜同平章事。楚昭輔爲樞密使。

內外官俱各進秩有差。

十一月。進封劉鋹衛國公。李煜隴西郡公。

十二月。大赦。改元。

改是歲爲太平興國元年。

詔羣臣論列者。卽時引對。

初詔諸道轉運使糾察官吏。

能否第爲三等。歲終以聞。

EAST ASIAN LIBRARY  
UNIVERSITY OF TORONTO LIBRARY

御製通鑑輯覽

卷之十一

罷河東兵。

太宗皇帝

丁丑太平興國二年。

續綱目發明非元年而書號正其始也。

春正月。賜禮部進

士呂蒙正

字聖功河南人。

等及第。

初。太祖幸洛陽。張齊賢

曹州冤句人。

以布衣獻策。條陳十事。

一下并汾。二富民。三封建。四敦孝弟。五舉賢。六太學。七籍田。八選良吏。九懲奸。十恤刑。

內四說稱

旨。齊賢堅執其餘策皆善。太祖怒。令武士拽出之。及還。

語帝曰。我幸西都。惟得一張齊賢。我不欲爵之以官。異

時可使輔汝為相也。至是。齊賢亦在選中。有司失於掄

擇。寘之下第。帝不悅。故一榜自呂蒙正以下。

一百九人。又覆試諸

科。二。盡賜及第。

又閱貢籍。十舉。至十五舉。一百八十四人。並賜出身。擢邢昺九經及第。九經七



人不中格。憐其老。特賜同三傳出身。凡五百餘人。皆賜綠袍。雖笏錫宴開寶寺。帝自爲詩一章。賜之。謂侍臣曰。朕欲博求俊彥于科場中。非敢望拔十得五止得一二。亦可爲致治之具矣。邢昺。字叔明。濟陰人。

置江南榷茶場。

二月。帝更名炁。

夏四月。葬永昌陵。

在河南府鞏縣西南。

史臣曰。太祖得國。視晉漢周。亦豈甚相絕哉。及其發號施令。名藩大將。俯首聽命。四方列國。次第削平。建隆以來。釋藩鎮兵權。繩賊吏重法。務農興學。慎罰薄斂。與世休息。迄于丕平。治定功成。制禮作樂。傳之子孫。世有典則。規模可謂遠矣。

冬十月。初榷酒酤。

十一月。丁亥朔。日食既。

戊寅三年春二月。立崇文院。

初置三館

宋史職官志。史館。昭文館。集賢院。為三館。

于長慶門北。謂之西館。

帝臨幸。惡其陋。命有司于昇龍門東北。初立三館。至是成。賜名崇文院。遷西館書貯焉。凡八萬卷。

夏四月。陳洪進獻漳泉二州。以洪進為武寧節度使。

洪進來朝。因獻漳泉二州。縣十四。詔授洪進武寧節度使。同平章事。留之汴京。奉朝請。諸子皆授要郡。遣之官。五月。吳越王俶以其地來歸。詔封俶為淮海國王。

俶朝于汴。會陳洪進納土而懼。上表乞罷所封吳越國

王。及解天下兵馬大元帥。並書詔不名之命。歸其兵甲。

求還。帝不許。其臣崔仁冀

字子遷。錢塘人。

曰。朝廷意可知矣。大

王不速納土。禍且至。俶遂決策上表。獻其境內十三州。



一軍八十六縣。詔封俶為淮海國王。授俶弟儀信並觀

察使。俶子惟濬。惟治。字世和。並節度使。惟演。字希聖。惟灝及

族屬僚佐。授官有差。又授其將校孫承祐。錢塘人。沈承禮

崔仁冀並為節度使。賜資待遇。冠絕當時。尋令兩浙發

親及管內官吏悉至以范旻。字貫參。質長子。權知兩浙諸州軍

事。旻上言。俶在國日。徭賦繁苛。乞盡蠲其弊。從之。

定難節度使李克獻卒。子繼筠嗣。

秋七月。隴西公李煜卒。

初。曹彬令煜治裝。煜方以亡國為念。不及多取。留汴貧

不自給。帝命增給月俸。仍賜錢三百餘萬。至是卒。追封

吳王。帝命煜故臣徐鉉撰神道碑。鉉泣請曰。陛下容臣存故主之義。乃敢奉詔。帝許之。鉉撰碑。但推言歷

徐鉉不能盡忠於亡國之時乃欲守節於故主之沒後以虛言爲報亦復何益無知者或以爲可矜有識者更鄙其無賴耳

徐鉉不仕

卷之二十一

十一

數有盡天命有歸而已其警句云東隣遘禍南箕弱疑投杼致慈親之惑乞火無里婦之辭始營因壘之師終後塗山之會又云孔明罕應變之畧不成近功偃王躬仁義之行終于亡國帝覽之稱善考薛應旂通鑑煜誕辰帝遣使賜宴宴畢暴卒蓋本龍哀江南野史今不取

以孔宜

字不疑孔子

襲封文宣公

宜知星子縣

南唐鎮宋升爲縣今爲江西南康府治

回獻所爲文帝召問

孔子世嗣遂命襲封宜因言歷代以聖人之後不預庸

調周顯德中遣使均田遂抑爲編戶詔特復其家

冬十月置內藏庫

帝幸左藏庫語薛居正曰此金帛如山用何能盡先帝每焦心勞慮以經費爲念何其過也詔改爲內藏庫并以封樁庫屬焉



巳卯四年春正月以潘美為北路都招討使

帝議伐漢薛居正等多以為不可惟曹彬力贊之帝意

遂決乃以潘美為北路都招討使帥崔彥進李漢瓌劉

遇曹翰米信本溪人田重進幽州人軍分四面攻太原城又

以判邢州郭進為太原石嶺關注見前都部署以斷燕薊

援師遼遣達噶拉美遼扈從官按達噶拉美舊作撻馬今改正長壽來言

曰何名而伐漢也帝曰河東逆命所當問罪若北朝不

援和約如故不然惟有戰耳

初以石熙載字凝績洛陽人僉書樞密院事僉書之名始此

新渾儀成

司天監生張思訓巴中人本唐李淳風梁令瓚之法創式

以獻製于禁中。日月行度。成于自然。不假人運。比舊制尤為精妙。命置文明殿東南鼓樓。擢思訓為渾儀丞。

二月。帝自將伐漢。

帝欲以齊王廷美掌留務。開封判官呂端言于廷美曰。上櫛風沐雨。以申弔伐。王地處親賢。當表率扈從。若掌留務。非所宜也。廷美遂請行。帝許之。以沈倫為東京留守。王仁贍為大內都部署。

三月。遼救漢。都部署郭進邀擊于白馬嶺。在忻州西南。大敗之。

漢求救于遼。遼遣耶律沙為都統。冀王迪里字巴爾斯

子。按巴爾斯濟斯。舊作巴速董。今改正。為監軍帥。師赴之。至白馬嶺。與郭

進遇。沙欲阻澗以待後軍。迪里不從。渡澗迎戰。未成列。



進薄之迪里敗死會耶律色珍

字韓隱裕悅赫魯孫按裕悅遼貴官象公師

坐而論議

色珍舊作斜軫裕悅

兵至進引師退沙得

舊作于越赫魯舊作曷魯今並改

免

田欽祚護石嶺屯軍恣為姦利進不能禁屢形于言

欽祚憾之進武人剛烈戰功高欽祚數加陵侮進不能堪遂縊而死欽祚以卒中風眩聞帝悼惜良久贈安

夏四月行營都監折御卿

德辰子

取漢哥嵐軍

今太原府哥嵐州宋曰哥

嵐軍太平五年置此書取哥嵐軍乃史臣追敘之文

御卿分兵攻哥嵐軍下之遂取嵐州

注見前

漢城隆州

注見前

威勝軍

宋置今

使解暉

洺州臨

等攻破之

漢人于隆州依險築城以拒帝遣解暉折彥質等先發

兵圍之繼遣尹勲

開封浚儀人

往城遂陷

帝至太原督諸軍圍城五月漢主繼元降詔賜爵彭城郡

公。

潘美等屢敗漢兵。進築長連城。圍太原。漢外援不至。餉道又絕。城中大懼。帝至督戰益急。城無完堞。帝慮城陷。殺傷者衆。詔諭繼元降。使者至城。守陴者不納。帝親督諸將士。進薄城下。列陣于前。蹲甲交射。矢集城上如蝟毛。五月。漢指揮使郭萬超踰城出降。繼元親信之臣多亡。城中危急。帝復詔諭繼元速降。當保終始富貴。詔雖入城。而諸將銳攻不可遏。帝尤慮城陷害良民。麾兵少却。繼元乃夜遣客省使李勲奉表乞降。詔許之。因至城北。張樂宴從臣于城臺。明日。繼元率官屬縞衣紗帽待罪臺下。帝釋之。賜襲衣玉帶。召使升臺。繼元叩首謝罪。



仁者之師救民水火今乃縱火害民是誠何心况攻圍未下時尚慮城陷而殺傷者眾因以宣諭招降此趨門不及者獨非曩所不忍害之良民乎

詔授特進檢校太師右衛上將軍封彭城郡公賜賚甚

厚命祠部郎中劉保勛字修業河南人知太原府凡得州十軍

一縣四十一帝作平晉詩命從臣和又授漢相李憚字孟深陽武人續綱目宋元通鑑

俱誤作李憚今依宋史改正以下官有差劉繼文奔遼遼封為彭城

郡王久之卒

徙太原民於并州

詔毀太原舊城改為平晉縣以榆次縣漢置今屬太原府為并

州遣使分部徙太原民居之縱火焚太原廬舍老幼趨

城門不及焚死者甚眾

帝發太原六月遂伐遼圍幽州秋七月與遼耶律休格字遜

寧南院額勒金烏蘇之子按休格舊作休哥額勒金舊作夷离堇烏蘇舊作綰思今並改正大戰于高

梁河。在順天府宛平縣西。水經注。高梁水出薊城西北。即此。今為玉泉山水所經。上有橋。敗績。乃還。

帝既滅漢。欲乘勝取燕薊。諸將以師罷餉。置不欲行。崔

翰字仲文。京兆萬年人。獨曰。所當乘者勢也。不可失者時也。取之

易。帝意決。遂發太原。六月。次東易州。宋史太宗紀。丙寅。次東易州。金臺頓。今清苑縣金臺驛也。東易州。當在定興安肅界。遼史不載。無考。遼刺史劉宇以

城降。留千兵守之。涿州判官劉原德亦以城降。進次幽

州城南。遼將耶律希達孟父楚國王之後。按。希達舊作奚底。今改正。軍于城

北。帝攻走之。命宋渥。崔彥進。劉遇孟。元喆和之子。分兵四

面攻城。圍之三周。以潘美知幽州行府事。遼將多降。七

月。遼順州薊州皆降。耶律學古字伊遜。伊爾裕悅佳之庶孫。按伊遜伊爾舊

今改正。時守燕。悉力禦之。不能支。城中大懼。遼遣耶

律字伊遜。伊爾裕悅佳之庶孫。按伊遜伊爾舊



律休格救燕。時帝與遼將耶律沙大戰于高粱河。沙敗將遁。休格兵適至。與耶律色珍分左右翼以進。復戰。帝大敗。死者萬餘人。帝引師南還。休格追至涿州。帝急乘驢車走免。喪資械不可勝計。乃命孟元喆屯定州。崔彥進屯關南。劉廷翰開封浚儀人李漢瓊屯真定而還。以石守信。劉遇從。征失律。貶之。自是遼好遂絕。

定難留後李繼筠卒。弟繼捧嗣。

八月。皇子武功王德昭自殺。

軍中謀立德昭並無形迹可指或謠入構鬪揣測猶嫌而為之亦未可定太宗遽責以待汝自為則德昭雖欲不死而不能可知太

初。德昭從帝征幽州。軍中嘗夜驚。不知帝所在。有謀立德昭者。帝聞不悅。及還。以征北不利。久不行太原之賞。德昭以為言。帝大怒曰。待汝自為之。賞未晚也。德昭退。

宗傳子私念不待趙普  
成而早定於胸中矣抱哭  
追封固無解於渝盟之過  
所謂欲蓋彌彰耳

而自刎。帝聞之驚悔。往抱其尸哭曰。癡兒何至此耶。追  
封魏王。諡曰懿。

九月。遼寇鎮州。都鈐轄劉廷翰等合擊。大破之。

遼遣南京留守韓匡嗣。延徽之子。與耶律沙耶律休格侵鎮

州。報圍燕之役。軍于滿城。本後周永樂縣。隋改。今屬保定府。西方陳。

官軍詐降。匡嗣欲納之。休格曰。彼氣甚銳。疑誘我也。可

整衆待之。匡嗣不聽。俄而劉廷翰陳于前。崔彥進潛師

躡其後。李漢瓊崔翰趙延進。澶州頓邱人。兵繼至。合擊之。遼

軍大潰。追至遂城。注見前。斬獲萬計。匡嗣棄旗鼓遁去。獨

休格整兵而退。

以楊業爲代州刺史。



業卽漢建寧節度使劉繼業。帝克太原。聞其勇。召見。復姓楊氏。止名業。以其老于邊事。拜代州刺史。業善戰。號楊無敵。

冬十月。進封齊王。廷美爲秦王。

論平漢功也。文武諸臣。進秩有差。

庚辰五年春二月。定差役法。

太祖因前代之制。以衙前主官物。以里正。戶長。鄉書手。課督賦稅。以耆長。工手。壯丁。逐捕盜賊。以承符。人力。手力。散從官。給使令。自衙前至手力等。皆第戶高下以充。所謂職役也。續綱目以人力之人係承符。去手力之力爲力手。殊誤。今依宋史食貨志及文獻通考改。至是從京西轉運使程能請。定諸州戶爲九等。上四等充役。下五等免之。後

EAST ASIAN LIBRARY  
UNIVERSITY OF TORONTO LIBRARY

和封臣作進封車賢

卷之二十二

五

有貧富隨時升降。

三月。魏公劉銀卒。

銀有口辯。帝之將伐北漢也。宴近臣于禁中。銀進言曰。朝廷威靈及遠。四方僭偽之主。今日盡在坐中。旦夕平太原。劉繼元又至。臣率先來朝。願得執挺爲諸國降王長。帝大笑。至是卒。追封南越王。

楊業敗遼兵于鴈門。殺其將蕭綽里特。舊作咄李。今改正。

遼兵十萬寇鴈門。業領麾下兵百騎自西陁。關名。在代州西北。卽

鴈門關。出至鴈門北口。南向擊之。遼兵大敗。殺其節度

使駙馬侍中蕭綽里特。自是遼畏業。望見旌旗。卽引去。

主將多嫉之。或潛上謗書。帝皆不問。封其書付業。



交州亂。秋七月。命蘭州團練使孫全興等將兵討之。

交州丁部領及其子璉相繼死。璉弟璿權行軍府事。年

尚幼。大將黎桓幽璿別館而代領其衆。時知邕州侯仁

寶

益之子

趙普女弟之夫也。盧多遜與普有隙。出仁寶於

邕。九年不代。仁寶恐因循死嶺外。乃上言陳取交州之

策。帝喜。將驛召仁寶。多遜遽奏曰。交州內擾。此實天亡

之秋。但先召仁寶。其謀必泄。蠻寇預爲之備。未易取也。

不如密令仁寶經度其事。發兵長驅。勢必萬全。帝以爲

然。以仁寶爲交州水陸轉運使。孫全興。劉澄。賈湜等。並

爲部署。將兵討之。全興等由邕州。澄。湜等由廉州進。桓

聞。乃遣使爲璿上表。求襲位。帝不許。

冬十月遼寇瓦橋關十一月帝自將禦之次於大名遼軍退乃還

遼主賢圍瓦橋關耶律休格帥精騎渡水而戰官軍大敗休格追至莫州十一月帝自將禦之時關南諸將已

破遼兵帝次大名諸將復戰于莫州敗績會遼主引去

帝欲遂取幽州李昉力陳其未可乃詔曹翰部署諸將

而還

帝既還京議者皆言宜速取幽薊張齊賢上疏曰聖人舉事動在萬全百戰百勝不若不戰而勝自

古疆場之難非盡由戎狄亦多邊吏擾而致之若緣邊諸將撫御得人但使峻壘深溝畜力養銳以逸自處則邊鄙寧而河北之民獲休息矣臣又聞家六合者以天下爲心豈止爭尺寸之土角戎狄之勢而已是故聖人先本而後末安內以養外民既安利則戎狄斂衽而至矣

十二月遣以耶律休格爲裕悅



休格智略宏遠。料敵如神。每戰勝。讓功諸將。故士卒樂爲之用。

辛巳六年春三月。皇子興元尹德芳卒。

贈中書令岐王。諡康惠。

罷交州兵。

交州行營破賊于白藤江口。

在今安南國海東府界。江之入海處。亦曰白藤海口。

獲戰艦二百。于是知邕州侯仁寶率軍先進。孫全興等

頓兵不行。仁寶戰死。會炎暑。軍士多死。轉運使許仲宣

字希繁。青州人。以聞。詔班師。斬劉澄。賈湜于軍。徵全興下獄。已

棄市。考宋史。孫全興于是年三月徵下獄。十一月棄市。續綱目于三月卽書徵孫全興棄市。非是。今依宋史

改。

EAST ASIAN LIBRARY  
UNIVERSITY OF TORONTO LIBRARY

後漢書卷之二十二

七

夏六月薛居正卒。

居正輔相十八年。寬簡不苛察。衆論賢之。及卒。帝親臨

其喪。爲之流涕。

居正子惟吉素無行。帝存問其家。因曰。不肖子安在。頗改節否。不克負荷先業。

奈何。惟吉伏喪側。懼報不敢起。自是盡革故態。讀書親賢士。修飭爲善。其後帝數委以大藩。所至稱治。

秋七月遣使如渤海。

初遼取渤海扶餘城。置東丹府。

事具前。

至是帝將大舉伐

遼。遣使賜其王詔書。令發兵以應。約滅遼之日。幽薊土

宇。復歸中朝。朔漠之外。悉與渤海。然渤海無至者。

帝又以詔

賜定安國王。定安本馬韓別種。其王烏元明數苦遼侵侮。得詔。令張犄角之勢。王大喜。會女真遣使入貢。持表來上。帝優詔答之。付女真使者。令賁以賜焉。

九月乙未朔日食。



左拾遺田錫字表聖嘉州洪雅人上疏言事詔嘉獎之

錫好言時務既居諫官卽上疏獻軍國要機者一朝廷

大體者四

其略曰王師平太原軍功猶有未賞願因郊禋錫賚駕馭戎臣此要機也交州瘴海得之

如獲石田願罷屯兵此大體之一今諫官不聞廷爭給事中不聞封駁左右史不聞升陞記言動御史不敢彈奏中書舍人未嘗訪以政事集賢院雖有書籍而無職官秘書省雖有職官而無圖籍願擇才任之使各司其局此大體之二邇者寓縣平寧京師富庶軍營馬監靡不恢崇佛寺道宮皆爲輪奐尚書無廳事九寺三監寓天街之兩廊貢院就武成王廟是豈太平之制度願別修省寺用列職官此大體之三按獄官令枷杻鉗鎖皆無去之可也此大體之四帝覽疏優詔褒答賜錢五十萬敢通又必于閤門署狀云不敢妄陳利便希望恩榮錫遺書多遜乞免署狀多遜不悅出錫爲河北南路轉運副使錫因入辭直進封事宋元通鑑同考宋史太宗紀及錫本傳錫上事在爲拾遺時非轉運使入辭所奏其貽書宰相乃趙普非多遜也今依帝紀書綱採傳

目作

以趙普爲司徒兼侍中。

普奉朝請累年。盧多遜益毀之。謂普初無立上意。普鬱

鬱不得志。會晉邸舊僚柴禹錫。

字元圭。大名人。趙鎔字化鈞。滄州樂陵人。

楊守一。

字象先。其先洛陽人。後徙宋鄭間。

告秦王廷美驕恣。將有陰謀。

竊發。帝疑以問普。普因言願備樞軸。以察奸變。且自陳。

曰。臣忝舊臣。爲權倖所沮。遂備道預聞。昭憲太后顧命。

及前朝上表自訴等事。帝發金匱。得誓書。及覽普前表。

因召見。謂曰。人誰無過。朕不待五十。已知四十九年非。

矣。乃拜普司徒兼侍中。封梁國公。

初田錫既以上疏受賜。或勸少晦。以遠讒。

忌。錫曰。事君之誠。惟恐不竭。矧天植其性。豈爲一賞奪耶。及趙普復相。令有司受羣臣章奏。必先白普。錫遺普



書以爲失至公體。普引咎謝。  
已而錫出爲河北轉運副使。

置京朝官

宋史職官志。凡一品以下。常參者謂之京官。秘書郎以下。未常參者謂之京官。差遣院。

舊制。京朝官屬吏部。國初以來。皆出中書。至是。詔京朝官奉使從政于外。受代而歸者。並令中書舍人考核勞績。品量材器。以中書所下闕員。引對而授之。謂之差遣院。

壬午七年春三月癸巳朔日食。

罷秦王廷美爲西京留守。夏四月。以柴禹錫爲樞密副使。或又告廷美欲因帝幸西池爲亂。遂罷廷美開封尹。以上變。進禹錫樞密副使。楊守一樞密都承旨。趙鎔東上閣門使。初。昭憲太后遺命。以次傳位。事具前。故帝卽位之

初命廷美尹開封。而德昭、德芳等皆稱皇子。及德昭不得其死，德芳相繼夭沒。廷美始不自安。他日，帝以傳國意訪之趙普。普對曰：「太祖已誤，陛下豈容再誤？」廷美遂得罪。

以竇偁

字日章。儀之弟。

郭贊

字仲儀。開封襄邑人。

參知政事。

初，帝尹開封，偁爲判官。以推官賈琰佞諛，于坐叱之曰：「賈氏子，巧言令色，豈不愧于心哉？」衆皆失色。帝因重偁之直。至是，謂偁曰：「賞卿之叱賈琰也。」

勒秦王廷美就第，流廬多遜于崖州，沈倫罷。

趙普旣復相，多遜不自安。普屢諷令引退，而多遜貪固權位，不能決。會普廉得多遜交通秦王事，帝大怒，責授



兵部尚書。越二日。下御史獄。命翰林承旨李昉等雜治

之。多遜具狀。屢遣中書守常官趙白。以機事密告廷美。且云。願宮車晏駕。盡力事大王。廷美亦遣小吏樊德

明。告多遜云。承旨言正會我獄上。詔文武集議。王溥等

意。因遣之弓箭。多遜受之。奏廷美。多遜詛咒顧望大逆不道。宜正刑章。詔削奪多

遜官爵。流崖州。并徙其家屬。期親于遠裔。趙白。樊德明等。悉斬于都門外。廷美勒歸

私第。復其子為皇姪。女落皇女公主之號。沈倫坐與多

遜同列。不能覺察。降授工部尚書。

五月。貶秦王廷美為涪陵隋縣。今重慶府涪州是。縣公。安置房州。注見

前。

趙普又以廷美居西京非便。諷知開封府李符。字德昌。大名內

黃人。上言。廷美不悔過而怨望。乞徙遠郡以防他變。詔降

廷美之得罪皆成於趙普其始因多遜之毀請備樞軸察姦變以自拯不過患

失之一念繼乃搆成冤獄  
坐以大逆止圖報復多遜  
夙嫌而於廷美毫無顧忌  
老奸伎倆日甚一日至調  
李符上言必欲置廷美於  
死而後已則天良漸滅盡  
矣普嘗自負讀論語鄙夫  
無所不至之句豈未經見  
乎

封廷美為涪陵縣公房州安置以閻彥進知房州袁廓

劔州梓通判州事以伺察之普又恐符言泄乃坐符他事貶寧國司馬

定難留後李繼捧入朝獻銀夏綏宥四州注俱見前六月繼捧

弟繼遷叛走地斤澤此夏州叛宋之始地斤澤在榆林府懷遠縣故夏州東北

夏州自李思恭即拓跋思恭其見前以來未嘗親朝中國至是繼

捧率其族入朝帝嘉之賜賚甚厚繼捧陳其諸父昆弟

多相對怨乞納其境內銀夏綏宥四州留京居之帝為

遣使如夏州護總麻以上親赴闕以曹光實字顯忠雅州百丈人

為四州都巡檢使時繼捧族弟定難軍都知蕃落使繼

遷其高祖思忠思恭之弟也從討黃巢戰歿賜祠留居銀州聞使至乃詐言乳

母死出葬於郊遂與其黨數十人奔入地斤澤出其祖



像以示戎人。戎人拜泣。從者曰眾。

帝尋以繼捧為彰德節度使。問曰。汝在夏

州。何道以制諸部。對曰。羌人悍鷙。但羈縻而已。非能制也。

秋九月。遼主賢卒。

說具前。

子隆緒小字文殊努立。

復國號曰契丹。

是後遼復稱契丹。按文殊努舊作文殊奴。今改正。

遼主賢如雲州。至焦山。

在今朔平府左雲縣東南。

有疾。命韓德讓臣

之子耶律色珍受遺詔。立長子梁王隆緒。遂卒。隆緒嗣位。

諡賢曰孝成皇帝。廟號景宗。

尊母蕭氏為太后。

專國事。

復國號曰大契

丹。

改元統和。

后以德讓為政事令。兼樞密使。總宿衛兵。耶律

博郭濟

字布尼雅。六院額勒金布格齊之後。

總領山西諸州事。耶律休格

為南面行軍都統。

按博郭濟舊作勃古哲。布尼雅。舊作蒲奴隱。布格齊。舊作蒲古只。今並改。

冬十二月戊午朔日食。

EAST ASIAN LIBRARY  
UNIVERSITY OF TORONTO LIBRARY

御批通鑑輯覽 卷之二十二

三

癸未八年春正月罷樞密使曹彬以王顯字德明開封人弭德超族

畧弭氏望出新豐德超滄州清池人爲樞密副使

酒坊使弭德超有寵于帝覬代曹彬之位乃自鎮州乘傳以急變聞曰彬秉政久得士心將爲不利且誣以事爲徵帝信之郭贊極言救解不聽遂出彬爲天平節度使而以顯德超並爲副使

二月戊子朔日食

三月宴進士于瓊林苑瓊林宴之名始此

帝親試禮部貢士于講武殿始分三甲錫宴于瓊林苑寵之以詩遂爲定制

夏四月弭德超有罪流瓊州



德超以不得樞密使怨望。居常怏怏。一日訴王顯。柴禹錫曰。我言國家大事。有安社稷功。止得綫許太官。汝等何人。反在吾上。我實耻之。言頗侵帝。顯奏之。詔鞠問。德超具狀。遂奪官秩。禁錮瓊州而死。帝始悟曹彬之誣。待之加厚。德超始因李符薦得事上。符貶寧國司馬。德超屢稱其冤。德超貶帝惡其朋黨。令徒符嶺表。初盧多遜之貶崖州也。符白趙普曰。春州雖近。至者必死。不若令多遜處之。普不答。至是以處符。歲餘卒。春州注見前。

五月。河決滑州。東南入于淮。此河決入淮之始。

河大決滑州之韓村。泛澶。濮。曹。濟。諸州。壞民田廬。東南流之彭城。入于淮。詔發丁夫十餘萬塞之。時多陰雨。河久未塞。帝憂之。遣樞密直學士張齊賢乘傳詣白馬津。用太牢加璧以祭。明年春。滑州復言房村河決。帝曰。韓村隄久不成。

安可重困吾民。當以諸軍代之。乃發卒五萬。以侍衛都指揮使田重進領其役。又命翰林學士宋白祭于白馬津。已而役成。帝作河平歌。賜近臣。蠲水所及州縣田租。宋白字太素。大名人也。

六月大水。

江河漢。睢穀洛。灋澗水溢。溺死者以萬計。

秋七月。郭贄免。以李昉參知政事。

贄嘗因論事。奏曰。臣遭不次之遇。誓以愚直上報。帝曰。

愚直何益于事。贄對曰。雖然。猶勝奸邪。至是以入對宿

醒未解。出知荆南府。

宋以荆州為江陵府。又改荆南府。尋復舊。

冬十月。以姚坦

字明白。曹州濟陰人。

為益王

名元傑。本名德和。字明哲。帝第五子。

府翊

善。

宋東宮官。太平興國中置。秩從七品。

王作假山。召僚屬置酒。眾皆褒美。坦獨俛首。王彊使視。



之坦曰。但見血山。安得假山。王驚問故。坦曰。坦在田舍時。見州縣督稅。上下相急。父子兄弟。鞭笞苦楚。血流滿身。此假山。皆民稅所出。非血山而何。時帝亦爲假山未成。聞之。亟毀焉。王每有過失。坦輒盡言規正。左右教王稱疾。帝憂甚。召乳母問狀。乳母曰。王本無疾。徒以姚坦檢束。不得自便耳。帝怒曰。吾選端士輔王爲善。今乃欲使我逐正人。王年少。豈解此也。必爾輩教之。杖乳母于後園。召坦慰諭之。

趙普罷。

普罷爲武勝軍

後周置。今南陽府鄧州是。

節度使。帝作詩餞之。賜宴

長春殿。普奉詩泣曰。陛下賜臣詩。當刻石。與臣朽骨同

EAST ASIAN LIBRARY  
UNIVERSITY OF TORONTO LIBRARY

卷之十一

葬泉下。帝爲之動容。

翌日帝謂宰相曰。昔有功國家。朕昔與遊。今齒髮衰矣。不欲煩以樞

務。擇善地處之。因詩以道意。普感激泣下。朕亦爲之墮淚。宋琪對曰。昨普至中書。執御詩涕泣。謂臣曰。此生餘年。無階上答。庶幾來世得効犬馬力。臣昨聞普言。今復聞宣諭。君臣終始。可謂兩全。

宋琪字俶寶。幽州薊人。

十一月以宋琪李昉同平章事李穆呂蒙正李至。

字言幾。真定人。

### 參知政事

昉初與盧多遜善。多遜屢譖昉。及多遜敗。帝嘗語及其事。昉頗爲解釋。帝由是重之。遂與琪並相。帝謂琪等曰。世之治亂。在賞當其功。罰當其罪。卽無不治。謂爲飾喜怒之具。卽無不亂。卿等慎之。又謂蒙正曰。古所謂君臣道合者。情無間耳。凡士未達。見當世之務。戾于理者。則怏怏于心。及列于位。得以獻可替否。當盡其所蘊言。或



未中亦當僉議而更之。俾協于道。朕固不以崇高自恃。

使人不敢言也。

蒙正初入朝堂。有朝士指之曰。此子亦參政耶。蒙正佯為不聞而過之。同列不

能平。詰其姓名。蒙正遽止之曰。若一知其姓名。則終身不能忘。不若弗知之為愈。時人服其量。

以吕文仲

字子臧。歙州新安人。

為翰林侍讀。

宋置掌經筵講讀。備顧問。秩正七品。

王著

字知微。京兆渭南人。

為侍書。

亦翰林官。宋置。

帝勤于讀書。自巳至申。然後釋卷。詔史官修太平御覽

一千卷。日進三卷。宋琪以勞瘁諫。帝曰。開卷有益。不為

勞也。朕欲周歲讀遍是書耳。每暇日。則問文仲以經義。

著以筆法。

明年命宋白。李昉。纂輯文苑英華一千卷。

甲申。雍熙元年春正月。求遺書。

時三館所貯遺帙尚多。乃詔募中外。有以書來上。及三

涪陵公廷美以憂卒。

廷美至房州憂悸成疾卒追封涪王。諡曰悼。以其子德恭德隆爲刺史。

李穆卒。

穆謹言慎行無有矯飾及是卒帝臨其喪哭謂侍臣曰穆操履純正真不易得朕方倚用遽爾淪沒非穆之不幸乃朕之不幸也。贈工部尚書。

夏四月羣臣請封禪許之五月乾元文明殿災六月詔求直言罷封禪。



先是泰山父老詣闕請封禪羣臣三上表帝許之詔以

十一月有事于泰山命翰林學士扈蒙字日明等詳定

儀注五月乾元文明二殿災詔求直言遣使按察淮浙

蜀廣獄遂罷封禪知睦州田錫上疏畧曰給事中不得其人左右補遺不舉其職致陛下有

朝令夕改舍近謀遠之事又言時久升平天下混一故左取右奉致陛下以功業自多然臨御九年四方雖寧

而刑罰未甚措水旱未甚調陛下謂之太平誰敢不謂之太平陛下謂之至理誰敢不謂之至理又言宰相不

得用人而委員外差遣近臣不專受責而求令錄封章又言聽用太廣則條制必繁條制既繁則依從者少自

今凡有奏陳當令大臣議而行之毋使垂之空言示之寡信又言宰相若賢當信而用之宰相非賢當擇而任

之何以置之為具臣而疑之若衆人也

冬十月華山隱士陳搏入朝

帝之卽位也召搏入見待之甚厚至是復至帝謂宰臣

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Canada  
M5S 1A5

卷之二十二

五

曰。搏獨善其身。不干勢利。方外之士也。遣中使送至中書。宋琪等從容問曰。先生得元默修養之道。可以教人乎。搏曰。搏山野之人。于時無用。亦不知神仙黃白之事。吐納養生之理。非有方術可傳。假令白日上。亦何益于世。今聖上龍顏秀異。有天日之表。搏達古今。深究治亂。真有道仁聖之主也。正君臣協心同德。興化致治之秋。勤行修煉。無出于此。琪等以聞。帝益重之。賜號希夷先生。還華山。

知夏州尹憲

并州晉陽人。

襲李繼遷破走之。

憲與曹光實襲繼遷于地斤澤。大破之。斬首五百級。焚四百餘帳。繼遷與其弟繼冲遁免。獲其母妻而還。



十二月立妃李氏處耘女爲皇后

賜京師大酺三日

乙酉二年春二月李繼遷誘殺都巡檢使曹光實遂襲銀州據之

繼遷自地斤澤敗轉徙無常漸以彊大西人以李氏世著恩德多歸之于是率衆攻麟州使人給都巡檢曹光實曰我數奔北勢窘願講甥舅之禮期日會于葭蘆川在今葭州西源出榆林縣下流入黃河以岸多葭葦故名納降光實信之且欲擅其功故不與人謀至期繼遷設伏止領數十人近城迎光實光實從百騎赴之繼遷前道北行至其地忽舉手揮鞭伏兵盡起光實被害遂襲據銀州

禁增置寺觀

京城外有僧積薪將自焚。帝聞之。惡其惑衆。令配流惡處。仍毀其所居。因謂宰相曰。近多請建置寺觀。屋才數十間。輒求名額。大抵誑惑閭閻。藏隱姦弊耳。詔天下寺觀。非籍所存。無得建置。

遣知秦州田仁朗

大名元城人

等將兵討李繼遷。

夏四月。江南饑。

遣使賑之。

宴羣臣于後苑。

先是。帝詔宰相近臣。賞花于後苑。謂之曰。春風暄和。萬物茂暢。四方無事。朕以天下之樂爲樂。宜令侍從詞臣。



賦詩。至是召輔臣三司使翰林樞密直學士尚書省四品兩省五品以上三館學士宴于後苑。賞花釣魚。命羣臣賦詩。因習射水心殿。賞花曲宴自此始。

徵田仁朗還。五月。副將王侁字秘權。開封浚儀人。擊李繼遷。走之。銀

麟夏州蕃內附。

繼遷既殺曹光實。遂圍三族砦。與下悉利諸砦皆羌戎所居。今在綏德州米脂

界。砦將折裕木曾作遇。今改。殺監軍使者。與繼遷合。繼遷乘

勝攻撫寧砦。本隋縣。後廢為砦。故城在今綏德州西。時仁朗行及綏州。注見

前。方請益兵俟報。聞之喜曰。戎人常烏合寇邊。勝則進。

敗則走。不可窮其巢穴。今繼遷嘯聚數萬。盡銳以攻孤

壘。撫寧小而固。非浹旬所能破。我俟其困。以大兵臨之。



EAST ASIAN LIBRARY  
UNIVERSITY OF TORONTO LIBRARY

後漢書卷一百一十五

卷一百一十五

三

分遣彊弩三百邀其歸路虜成禽矣部署已定仁朗欲  
示閑暇縱酒擣菹仇等因媒孽之帝聞三族已陷大怒  
徵仁朗還下御史獄問狀仁朗對曰臣已定擒繼遷策  
會詔至不果因言繼遷得羌戎情願優詔懷來或以厚  
利啖部落酋長令圖之不爾他日大爲邊患帝愈怒特  
貸死竄商州是月仇等出銀州北破悉利諸砦梟其酋  
折羅遇麟州諸蕃皆請納馬贖罪助討繼遷仇遂與所  
部兵入濁輪川在葭州神木縣西北下流入黃河考宋  
史夏國傳繼遷築堡于石州濁輪谷石  
州今山西永寧州是與葭綏接壤川斬首五千級擒裕  
水蓋出谷中流逕神木以入于河  
木繼遷遁去時詔郭守文并州太原人與仇同領邊事守文  
復與知夏州尹憲擊鹽城在榆林府定邊縣今日鹽場堡諸蕃焚千餘



帳。由是銀麟夏三州蕃百二十五族悉內附。戶萬六千

餘。

繼遷降于契丹。契丹以爲定難節度使。尋以義成公主妻之。

秋九月。廢楚王元佐。

字惟吉。初名德榮。帝長子。

爲庶人。

元佐少聰警。貌類帝。帝鍾愛之。廷美遷房州。元佐嘗力救。及廷美死。遂發狂疾。至以小過操挺刃傷侍人。疾少間。帝爲赦天下。遇重九。詔諸王宴射苑中。元佐以新瘥不預。及諸王宴歸。暮過元佐。元佐恚曰。若等待上宴。我獨不預。是棄我也。因發忿被酒。夜縱火焚其宮。帝大怒。廢爲庶人。均州安置。宋琪率百官三上表。請留之京師。帝許之。行至黃山。

一名蘘山。在南陽府南陽縣北。

召還居于南宮。

遣使如高麗。

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario M5S 1A5  
Canada

後漢書卷一百一十二

三

時議伐契丹。以高麗與之接壤。數爲所侵。命御史韓國

華字光弼。相安陽人。齎詔諭令發兵西會。高麗遷延未卽奉詔。

國華屢移檄督之。得報發兵。乃還。

冬十二月庚子朔日食。

宋琪柴禹錫免。

初。詔廣宮城。禹錫有別第在表識內。上言願易官邸。帝

不悅。禹錫又陰結琪。爲琪請盧多遜舊第。帝益鄙之。廣

南轉運使王廷範江陵人。琪妻高氏親也。將謀不軌。知廣州徐休

復字廣初。濮州甄城人。密奏之。帝因琪禹錫入對。問廷範何如人。

琪禹錫未知其端。盛言廷範彊明忠幹。帝意其交通。不

欲暴其狀。詔琪詆諧無大臣體。罷守刑部尚書。降禹錫



為左驍衛大將軍。廷範及其黨與皆伏誅。

南康軍今江西南康府大雨雪。江水冰。

雪厚三尺。江水冰合。可勝重載。

丙戌三年春正月。以曹彬。田重進。潘美等為都部署。將兵伐

契丹。

初。賀懷浦開封陳留人。太祖孝惠皇后兄。將兵屯三交城名。在太原府陽曲縣北。好

議邊事。與其子知雄州。令圖上言。契丹主少。母后專政。

寵倖用事。請乘其釁。以取燕薊。帝信之。以曹彬為幽州

道行營都部署。崔彥進副之。米信為西北道都部署。杜

彥圭定州安喜人。副之。出雄州。田重進為定州路都部署。出

飛狐此飛狐縣也。隋置。明改廣昌。今縣屬易州。潘美為雲應朔等州都部署。

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Canada M5S 1A5

楊業副之出鴈門。

李至罷。

至上疏諫伐契丹。因固請解機務。帝許之。

三月曹彬取涿州。田重進敗契丹兵于飛狐北。潘美取寰

朔應雲州。注俱見前。

彬遣先鋒將李繼隆字霸圖處耘子破契丹兵取固安。注見前新

城。唐縣今屬保定府二縣進攻涿州克之殺其相賀正。虜兵復集米信

獨以麾下三百人接戰被圍數重信持大刀大呼田重

突圍而出會彬遣兵至遂敗契丹兵于新城東北田重

進出飛狐南契丹西南面招安使大鵬翼率眾來拒重

進命部將荆嗣罕儒子以五百騎禦之契丹兵二萬餘力

不敵時譚延美大名朝屯小沼地名在廣昌縣東南嗣請延美列



隊平川。別遣二百人執白幟于道側。嗣以所部疾驅往。

鬪。契丹兵見旗幟綿亘。疑大軍繼至。欲遁去。重進乘之。

契丹兵奔潰。生擒大鵬翼。飛狐。靈邱。

漢縣。今屬大同府。

皆降。潘

美自西陁入。與契丹兵遇。追至寰州。破之。刺史趙彥章

以城降。進圍朔州。節度副使趙希贊亦舉城降。遂轉攻

應雲州。皆克之。

已而重進再破契丹于飛狐北。至蔚州。其左右都押衙李存璋。許彥卿。執監城

使耿紹忠。以城降。

夏五月。曹彬引兵退。與契丹耶律休格戰于岐溝。

注見前。敗

績。

初。諸將陛辭。帝謂曰。潘美但先趨雲州。卿等以十萬衆。

聲言取幽州。且持重緩行。不得貪利。虜聞大兵至。必悉

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario  
M5S 1A5

宋史紀事本末

卷之七十二

三

衆救范陽。不暇援山後矣。及彬等乘勝而前。所至克捷。每捷奏聞。帝訝其進軍之速。彬旣次涿。契丹南京留守耶律休格兵少。不敢出戰。夜則令輕騎掠其單弱。以脇餘衆。晝則以精銳張其勢。又設伏林莽。以絕糧道。彬居涿旬日。食盡。退師雄州。以援糧餉。帝聞之曰。豈有敵人在前。反退軍以援芻糧。失策之甚也。亟遣使止彬勿前。急引師緣白溝河。卽拒馬河。新城以下。通稱白溝。亦曰界河。以宋遼于此分界也。與米信軍接。潘美盡畧山後地。會重進東下。合勢以取幽州。彬部下諸將聞美重進果捷。恥握重兵。不能有所攻取。謀議蜂起。彬不得已。乃裹糧與米信復趨涿州。休格聞之。以輕兵來薄。伺蓐食。則擊離伍單出者。由是軍士自



救不暇。結方陣塹地。兩邊而行。時方炎暑。軍渴乏井。漚

淖而飲。凡四日始得至涿。士卒困乏。糧又將盡。會契丹

在涿州東北

主與其太后自駝羅口。將大兵應援。趨涿州。彬

信復引還。休格因出兵躡之。戰于岐溝關。彬信敗走。無

復行伍。夜渡拒馬河。休格引精兵追及。溺者不可勝計。

彬信南趨易州。方瀕沙河。

此易水也。亦曰北濡。源出易州西北。逕定興縣爲沙河。合

中易水入拒馬河。

而爨聞休格引兵復至。驚潰。死者過半。沙河

爲之不流。棄戈甲如邱山。休格請乘勝畧地。至河爲界。

太后不從。引兵還燕。

封休格爲宋國王。

帝聞之。召彬信及崔彥

進等還。令田重進屯定州。潘美還代州。徙雲應朔寰四

州吏民及吐谷渾部族分寘河東京西。

初議興兵。獨與樞密院議。中書

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario  
M5S 1A5

不與聞及敗帝悔謂張齊賢等曰卿等共睹朕自今復作如此事否

契丹復陷蔚寰州

契丹耶律色珍將兵十萬至定安

遼縣明省故城在今宣化府蔚縣西

賀令圖遇之敗績南奔色珍追及戰于五臺死者數萬

人明日攻陷蔚州令圖與潘美帥師往救與色珍戰于

飛狐又敗于是渾源

唐縣今爲州屬大同府

應州將皆棄城走色

珍乘勢入寰州殺其守城吏卒千餘

潘美副將楊業進兵擊契丹敗績轉戰至陳家谷

在朔平府朔州

南死之契丹復陷雲應朔諸城

潘美既敗于飛狐議引兵護雲應寰朔吏民內徙時耶

律色珍已陷寰州兵勢甚盛楊業欲避其鋒但領兵出



大石路。

即今大石口。在大同府應州南。路通代州繁峙縣。

直入石碣谷。

即今石佛谷。在

代州崞縣西北。

護軍王侁等以爲畏懦。欲從鴈門北川中而往。

業不可。侁曰。君侯素號無敵。今逗撓不進。得非有他志

乎。業曰。業非避死。蓋時有未利。徒殺士卒而功不立。今

責業以不死。當爲諸公先。乃引兵自石趺路。

即今石硤口。在崞縣

東。趨朔州。將行。泣謂美曰。此行必不利。業太原降將。分

當死。上不之殺。寵以連帥。授之兵柄。非縱敵不擊。蓋欲

伺便以立尺寸功。報國家耳。今諸君責業避敵。尚敢自

愛乎。因指陳家谷口曰。諸君幸于此張步兵彊弩。以相

援也。業轉戰當至此。可夾擊之。不然。無遺類矣。美遂與

侁帥麾下陣于谷口。色珍聞業且至。遣副部署蕭達蘭

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario M5S 1A5  
416-978-2082

往世錄卷之七十二

三

遼史作達蘭字托紐。思溫再從侄。按達蘭五代史作撻覽。遼史作撻寧。俱誤。托紐舊作馳寧。今並改正。伏

兵于路。業至。色珍擁衆為戰。勢業麾幟進。色珍佯敗。伏

兵四起。色珍還兵前戰。業大敗。退趨狼牙村。在朔州西南。亦曰洪

崖。伏自寅至巳。不得業報。使人登托邏臺。在朔州南。望之無

所見。以為契丹敗走。欲爭功。即領兵離谷。美不能制。乃

緣交河。即馬邑川水。亦曰灰河。出寧武縣西。逕朔州南。下流入桑乾水。西南而進。行二

十里。聞業敗。即麾兵卻走。賀懷浦敗沒。業且戰且行。自

午至暮至谷口。望見無人。撫膺大慟。再率麾下力戰。身

被數十創。士卒殆盡。猶手刃數十百人。馬重傷不能進。

匿深林中。耶律希達望見袍影。射之。業墮馬被擒。其子

廷玉死焉。考遼史蕭達蘭傳。宋楊繼業率兵自代州來。達蘭從耶律色珍敗之。擒繼業于朔州。耶律

楊業久於行陣。不獨勇號無敵。即料事度勢。亦非後口妄談。其欲避鋒紆道以出。蓋實有知彼知己之識。不得謂之畏懦不前。乃王



侁不察時地之宜激其輕  
進復心疑敵道急欲爭功  
致業深入無援捐軀效節  
侁之罪固不容誅然潘美  
身膺閫帥既與業約駐兵  
谷口聲援侁離次不能禁  
制已乖統御之職乃亦不  
覘虛實全師徑退坐失驍  
將又豈能辭債軼之責耶

希達傳。希達射繼業墮馬。先是軍令須生擒繼業。希達以故不能為功。似射業者希達。擒業者達蘭。與此所載不同。業因太息曰。上遇我厚。期討賊捍邊以報。而反為姦臣所迫。致王師敗績。何面目求活耶。乃不食三日死。業既敗。麾下尚百餘人。業謂曰。汝等各有一父母妻子。與我俱死。無益也。可走還報天子。眾感激。皆戰死。無一生還者。于是雲應朔州及諸城將吏聞業死。悉棄城走。色珍復陷其地。事聞。帝深痛惜。詔贈業太尉。削美三任。除侁名。

六月戊戌朔日食

以辛仲甫參知政事。

先是仲甫奉使契丹。

太平興國二年。葬太祖永昌陵。契丹遣使來會葬。帝命仲甫報謝之。

契丹主問曰。聞中朝有黨進者。真驍將。如進比。凡幾人。仲甫曰。名將甚多。如進鷹犬之材。何可勝數。契丹

主欲留之。仲甫曰。信以成命。義不可留。有死而已。乃厚



EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario M5S 1A5  
Tel: (416) 978-2811  
Fax: (416) 978-2812  
www.library.utoronto.ca

禮遣還。帝曰。仲甫遠使絕域。不辱君命。更得數人如此。朕何患也。以爲刑部郎中。知成都府。至是擢參知政事。秋七月。貶曹彬爲右驍衛上將軍。

治其違詔失律罪也。崔彥進米信以下。貶官有差。初。米信軍潰。獨李繼隆所部成列而還。田重進亦全軍不敗。詔以重進爲馬步軍都虞候。繼隆爲馬軍都虞候。知定州。

以張齊賢知代州。

帝以楊業死。訪近臣可知代州者。時齊賢以言爭。頗忤帝意。因請行。乃命與潘美同領緣邊兵馬。

冬十二月。契丹大舉入寇。瀛州部署劉廷讓

卽劉光業。與注見前。



戰敗績契丹誘執知雄州賀令圖遂掠邢深德州。

契丹主及蕭太后率兵南下以耶律休格爲先鋒都統。

時劉廷讓帥師數萬並海而北與李敬源合兵將趨燕。

休格聞之以兵扼要害逆戰于君子館。在河間府河間縣西北。天

方甚寒士卒皆不能設弓弩會契丹兵大至圍廷讓數

重廷讓先分精兵屬李繼隆爲後援而繼隆退保樂壽。

注見前。廷讓力不敵一軍盡沒以數騎脫走李敬源楊重

進。太原人。皆死之先是休格謀給賀令圖曰我獲罪本國

旦夕願歸南朝令圖信之私遺重錦十兩。兩匹也。左傳

注以二丈雙行故曰兩。申豐從女賈以幣錦二兩。注二丈爲一端二端爲一兩所謂匹也。及廷讓敗。

休格宣言願見雄州賀使君令圖意其來降欲擅其功。

卽引數十騎逆之。旣至帳下，休格據胡牀罵曰：「汝常好經度邊事，今乃送死來耶！」令左右殺其從騎而執之。自是河朔戍兵無復鬪志。契丹乘勝長驅而南，遂陷深、邢、德三州，殺官吏，俘士民，輦金帛而去。魏博之北，民尤苦焉。帝聞之，下詔自悔，而釋潰敗將士之罪，且蠲河北逋租，給復三年。令圖貪功生事，輕而無謀，初與其父懷浦首謀北伐，一歲中父子皆敗，天下笑之。張齊賢敗契丹于代州。

契丹薄代州城，副部署盧漢贊畏懦，保壁自固。齊賢選

廂軍

宋制，諸州之鎮兵曰廂軍。

二千出禦之，誓衆感慨，無不一當百。

契丹少卻。先是，齊賢遣使約潘美，以并師來會戰，使爲

契丹所執，俄而美使至，云師出至栢井。

鎮名，一作百井，在太原府陽曲。



縣北得密詔云。東路王師敗衄。并之全軍。不許出戰。已還

州矣。時契丹兵塞川。齊賢曰。敵知美來而不知美退。乃

閉美使室中。夜發兵二百人。持一幟。負一束芻。距州西

南三十里。列幟然芻。契丹遙見火光中有旗幟。意謂并

師至。駭而北走。齊賢先伏步卒二千于土鐙砦。在代掩

擊大破之。殺其國舅詳袞特爾格。宮使蕭達哩。斬首數

百。獲馬二千。器械無算。詳袞遼諸官府監

治長官。作撻烈哥。達哩舊作打里。今並改正。

丁亥四年夏四月。張宏字巨卿。青州益都人。三免。以趙昌言

字仲謨。汾州孝義人。為樞密副使。

時河朔用兵。宏循默備位。而御史中丞趙昌言數上邊

事。乃免宏。左遷御史中丞。而以昌言代之。

遣使募兵于諸州。

帝將大發兵討契丹。遣使募兵于河南北四十餘郡。凡

八丁取一。以充義軍。京東轉運使李維清

字直臣。下邑人。曰。若

是天下不耕矣。三上疏爭之。李昉等亦相率言。河南之民。罔知戰鬪。或慮人情搖動。因而爲盜。非計之得。乃詔獨選河北。而諸路悉罷。

戊子端拱元年春正月。親耕藉田。赦。

二月。改補闕拾遺爲司諫正言。

舊制。臺諫有名。而不得行其職。帝以失諫官本意。故更以新名。

李昉罷。



布衣翟穎。性險誕。以傭書與知制誥胡旦

字周父。濱州渤海人。

狎

旦爲作大言。使穎上之。且改穎名曰馬周。以爲唐馬周

復出也。于是穎擊登聞鼓。訟昉居宰相位。當北方有事

之時。不爲邊備。徒知賦詩宴樂。帝由是厭昉。遂罷爲右

僕射。

昉和厚多恕。在位小心醇謹。每有求進用者。雖知其材可取。必正色絕之。已而擢用。或不足用。必和

顏溫語待之。子弟問其故。昉曰。用賢。人主之事。若受其

請。是市私恩也。故峻絕之。使恩歸于上。若不用者。旣失所望。又無善辭。取怨之道也。

以趙普爲太保兼侍中。呂蒙正同平章事。

帝欲相呂蒙正。以其新進。藉趙普舊德。爲之表率。曾言

以籍田入朝。帝遂留爲太保兼侍中。蒙正質厚寬簡。有

重望。以正道自持。遇事敢言。每論時政有未允者。必固

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario M5S 1A5

他非居不正金車

卷八十二

稱其不可。帝嘉其無隱，故與普並命。普開國元老，蒙正以後進歷官一紀，進同相位。普雅重之。

三月，趙昌言有罪，貶爲崇信。軍名。注見前。行軍司馬。

昌言素與知制誥胡旦善。翟頴旣訟罷李昉，與旦益相得。頴益肆誕，毀斥時政。上書自薦，且歷舉所善數十人爲公輔。令昌言爲內應。事覺，頴流海島。貶昌言爲行軍司馬，旦坊州團練副使。

夏五月，作秘閣。

詔就崇文院中堂建秘閣，分三館書籍置其中。以吏部侍郎李至兼秘書監。帝謂至曰：「人君當淡然無欲，勿使嗜好形見于外，則奸佞無自入。朕無他好，但喜讀書多。」



見古今成敗。善者從之。不善者改之。如斯而已矣。至每與李昉。王化基。字永圖。真定人。觀書閣下。帝必遣使賜宴。且命

三館學士與焉。

以李繼捧為定難節度使。賜姓名趙保忠。

李繼遷侵擾日甚。趙普請復命繼捧鎮夏州。帝召見。加賜而遣之。且謂曰。若繼遷歸欵。當授以官也。

鄭州團練使侯莫陳利用。

益州成都人。

有罪。賜死。

利用以幻術得幸。驕恣不法。居處服御。僭擬乘輿。趙普按其十罪。既命配商州。普復力請誅之。帝曰。豈有萬乘之主。不能庇一人乎。普曰。陛下不誅。則亂天下法。法可惜。此一豎子何足惜哉。帝不得已。命誅之。已而復遣使

EAST ASIAN LIBRARY  
UNIVERSITY OF TORONTO LIBRARY  
130 St. George Street  
4th Floor  
TORONTO, CANADA M5S 1A5

和封秦國王 卷之七十二

貸之使至新安。注見前。馬旋潭而踣。及出潭易馬。至商州。

已磔于市矣。聞者快之。

秋八月。鄧王錢俶卒。

追封秦國王。謚忠懿。自俶以地歸朝。四徙大國。初封漢南國王。尋改

南陽。俶固讓國王之封。善始令終。窮極富貴。福履之盛。改封許王。又改鄧王。

近代無比。

九月。契丹復陷涿州。冬十一月。遂入祁州。唐置。治無極。宋景德中。徙治蒲

陰。即今州也。屬保定府。

契丹主攻涿州。射帛書諭城中降。不聽。縱兵四面攻之。

城破乃降。遂進攻長城。在保定府安肅縣西北。戰國時燕趙分界處。今其地名長城口。

士卒潰圍南走。契丹邀擊之。殺獲殆盡。因攻滿城。注見前。



祁州及新樂注見前皆陷之

己丑二年春正月契丹陷易州遷其民于燕

時契丹屢寇邊詔羣臣上備戎策張洎請于沿邊建三

大鎮各統十萬衆鼎峙而守仍令親王出臨魏府今大名府

以控其要宋琪請令大軍于易州循孤山今日孤山在順天府房

山縣南涉易涉涿水在涿州西源出宣化府涿鹿山逕州境又南爲俠河抵桑乾

河源出山西朔平府馬邑縣由大同宣化逕順天府界下流入于淀即古濕水亦名蘆溝河俗名渾河今名

永定出安禮寨在宛平縣西南東瞰燕城纔及一舍此周德威

取燕之路事具前下視孤壘取燕必克琪又言兵凶器聖

人不得已而用之若選使通好弭戰息民此亦策之得

也李昉王禹偁字元之濟州鉅野人亦多以修好爲言帝嘉納之

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Ontario M5S 1A5

御批通鑑輯覽  
卷之二十二

自二月不雨。至于夏五月。

詔錄繫囚。遣使分諸路決獄。

秋七月。以張齊賢爲樞密副使。

齊賢復入樞密。趙普薦之也。

彗星出東井。八月赦。

司天言妖星爲滅契丹之象。趙普上疏。謂此邪佞之言。不足信。帝避殿減膳。大赦。

作開寶寺塔。

藏佛舍利。注見前。也。高三百六十尺。費億萬計。踰八年始

成。知制誥田錫嘗上疏云。衆謂金碧煒煌。臣以爲塗膏

鬻血。帝亦不怒。



繼倫以少擊衆其臨事之  
勇料敵之智固不待言而  
縱死不失忠義一語尤爲  
制勝之本蓋示以有進無  
退則人有戰心而勵以舍  
生求仁則士無餒志所謂  
置之死地而後生自然一  
可當百彼目此捷爲倖勝  
者匪惟闕於機鈴亦且昧  
於敵愾矣

都巡檢使尹繼倫浚儀人襲契丹耶律休格于徐河源出易州  
五迴嶺。巡滿城。清苑。入安州界。爲依城河下流入淀。大敗之。

朝廷聞契丹復至。遣李繼隆發鎮定兵萬餘。護送糧饋。

數千乘。趨威虜。軍名。宋置。後改信安。治遂城。故城在今保定府安肅縣。休格聞之。

帥精騎數萬。邀諸塗。北面都巡檢使尹繼倫。適領兵徼

巡。路遇之。休格不顧而南。繼倫曰。寇蔑視我耳。彼捷還。

則乘勝驅我北去。不捷亦且洩怒于我。將無遺類矣。爲

今日計。當卷兵銜枚以躡之。彼銳氣前趨。不虞我之至。

力戰而勝。足以自樹。縱死猶不失爲忠義。衆皆憤激從

命。繼倫令秣馬俟夜。人持短兵。潛躡其後。行數十里。至

徐河。天未明。休格去大軍四五里。會食訖。將戰。繼隆方

EAST ASIAN LIBRARY  
UNIVERSITY OF TORONTO LIBRARY  
130 St. George Street  
Toronto, Canada M5S 1A5

御批歷代通鑑輯覽

卷之七十二

三

陣於前以待繼倫從後急擊殺契丹一大將衆皆驚潰  
休格方食矢箸爲短兵中其臂創甚乘善馬先遁餘衆  
引出契丹爲之奪氣自是不敢大入寇每相戒曰當避黑面大王以繼倫面黑故云  
大旱

自秋徂冬不雨田錫上言此實陰陽失和調燮倒置上  
侵下之職而燭理未盡下知上之失而規過未能疏入  
帝及宰臣皆不悅出錫知陳州

庚寅 淳化元年春正月趙普罷

普自再相帝每優禮之免朝謁止日赴中書視事有大  
政則召對至是以疾力求致仕帝不得已授太保兼中  
書令西京留守



夏四月。詔貸江州義門陳兢。

江州德安人。粟。

兢。陳宜都王叔明之後。九世同居。長幼凡七百口。不置僕妾。上下嫺睦。人無間言。每食。必羣坐廣堂。未成人者。別爲一席。有犬百餘。共一牢食。一犬不至。羣犬亦皆不食。唐僖宗及南唐時。旌其門。開寶初。免徭役。至兢子姪益衆。嘗苦乏食。知州康戩言于朝。詔本州每歲貸粟二千石。後兢卒。從弟旭止受貸粟之半。會歲歉。粟貴。或勸旭全受而糶。可得善價。旭曰。朝廷軫旭家乏食。貸以公粟。豈可見利忘義耶。帝聞。深加嘆獎。

冬十二月。契丹封李繼遷爲夏國王。

考宋史夏國傳。以雍熙三年。契丹冊繼遷

爲夏國王。今依遼史。

辛卯二年春。旱蝗。

EAST ASIAN LIBRARY  
UNIVERSITY OF TORONTO LIBRARY  
130 St. George Street  
8th Floor  
TORONTO, CANADA M5S 1A5

御批歷代通鑑輯覽 卷之七十一

時連歲旱蝗。是年尤甚。禱雩無應。帝手詔宰相曰。朕將自焚以答天譴。翌日大雨。蝗盡死。

閏二月辛未朔日食。

夏四月。以張齊賢字仲言。南昌人。陳恕字仲言。南昌人。參知政事。張遜博州高平人。溫

仲舒字秉陽。河南人。寇準字平仲。華州下邳人。為樞密副使。

初。準為樞密直學士。嘗奏事殿中。語不合。帝怒起。準輒

引帝衣。請復坐。事決乃退。帝嘉之。及旱蝗。帝召近臣。問

以得失。眾以天數對。準曰。洪範。天人之際。應若影響。大

旱之證。蓋刑有所不平也。帝怒。起入禁中。頃之。復召準

問以不平狀。準曰。願召二府。宋以中書樞密為二府。至。臣即言之。

二府入。準乃曰。頃者祖吉。王淮。皆侮法受賕。吉贓少。乃



伏誅。淮以參政汚。

王沔字楚望。濟州人。端拱元年二月。參知政事。

之弟盜主守

財至千萬。止杖之。仍復其官。非不平而何。帝以問沔。沔

頓首謝。于是切責沔。而以準為可大任。遂有是命。

五月以謝泌

字宗源。歙州人。為左司諫。

上修正殿。頗施綵繪。泌為右正言。因對陳其事。即日命

代以赭堊。賜泌金紫。拜左司諫。泌入謝曰。陛下從諫如

流。故臣得以盡誠。如唐末孟昭圖者。

事具前。

朝上諫疏。暮

不知所在。如此安得不亂。帝動容久之。

置諸路提刑官。

秋七月。李繼遷請降。以為銀州觀察使。賜姓名趙保吉。

先是。趙保忠至夏州。言繼遷悔過歸款。詔授繼遷銀州

EAST ASIAN LIBRARY  
UNIVERSITY OF TORONTO LIBRARY  
130 St. George Street  
4th Floor  
TORONTO, CANADA M5S 1A5

趙普前此輕信李繼捧縱其復歸夏州已為失策茲復輕信李繼遷受其偽降坐稽天討以留世世邊患蓋姑息偷安實為宋代之失而趙普始謀不臧則自是役貽之

御批歷代通鑑輯覽 卷之七十二

刺史然實無降心也至是與保忠戰于安慶澤在故夏州北

繼遷中流矢遁去轉攻夏州保忠乞師禦之乃遣翟守

素濟州任城人帥兵往援守素至繼遷歸欵奉表謝罪遂有

是命且以其子德明小字阿移為管內蕃落使行軍司馬

八月置審刑院

帝慮大理刑部吏舞文巧詆乃置審刑院于禁中以李

昌齡字天錫宋州楚邱人知院事置詳議官六員凡獄上奏先達

院印訖付大理刑部斷復以聞乃下院詳議申覆裁決

訖以付中書省行之其未允者宰相覆以聞始命論決

九月王沔陳恕呂蒙正罷

蒙正為首相以寬簡居位政事多決于沔沔聰察敏辯



有適時才。然性苛刻少誠。謁見者必啗以甘言。既而進退非允。人胥怨之。又素與張齊賢陳恕不協。及二人參知政事。沔不自安。慮僚屬有以中書舊事告齊賢恕者。會司諫王禹偁言。宰相樞密不得于本廳見客。許于都堂延接。以杜私情。沔喜。卽奏行之。司諫謝泌以爲如此。是疑大臣以私也。疏駁之。帝追還前詔。沔遂罷。沔見帝。涕泣不願離左右。未幾。髮鬚皆白。帝怒戶部使樊知古所部不治。恕聞。密以語之。覬其修舉。知古訴于帝。帝怒恕漏言。亦坐免。度支判官宋沆。長安人。伏閣奏疏。請立太子。詞意狂率。帝怒。貶沆。沆蒙正妻族也。遂罷蒙正爲吏部尙書。時三日之間。連罷三相。因有奏毀者。帝語之曰。蒙正有大臣體。沔甚

EAST ASIAN LIBRARY  
UNIVERSITY OF TORONTO LIBRARY  
130 St. George Street  
3rd Floor  
CANADA M5S 1A5

御批歷代通鑑輯覽

卷之七十二

四

明敏毀者慙而止。

以李昉張齊賢同平章事賈黃中

字嫺氏滄州南皮人

李沆

字太初洛州肥

鄉人參知政事。

初黃中再典貢部多拔寒畯及掌吏部選除擬精當沆

嘗侍曲宴上目送之曰風度端凝真貴人也至是並拜

以張遜知樞密院事溫仲舒寇準同知院事

知樞密院同知樞密院自此始

冬十月趙保忠叛降契丹契丹封爲西平王

彭城公劉繼元卒

追封彭城郡王

女真請伐契丹不許



范杲獻書于進見黜固宜  
杲嘗之其叔范質奏請遷  
秩質作詩訓之時人傳誦  
以為勸戒則杲之躁競自  
昔已然質雖知之徒諷以  
文詞而不能防其行檢亦  
不為善教矣

自是不復入貢遂屬契丹

十一月以畢士安

字仁叟代州雲中人

為翰林學士

先是翰林學士承旨蘇易簡

字太簡梓州銅山人

續翰林志二卷

以獻帝嘉之賜詩二章又飛白

張懷瓘書斷飛白者後漢蔡邕所作本以題署

官闕字宜輕微不滿

書玉堂之署四字令榜於廳額曰永為翰林

美事于是知制誥范杲

字師回質兄子

獻玉堂記請備其職帝

惡其躁競出知濠州乃以士安為學士執政欲用諫議

大夫張洎帝曰洎文學資任不下士安第德行不及爾

壬辰

三年春二月乙丑朔日食

夏六月置常平倉于京師

時京畿穀賤帝遣使增價以糴于近倉貯之俟歲饑則



EAST ASIAN LIBRARY  
UNIVERSITY OF TORONTO LIBRARY  
130 St. George Street  
4th Floor  
Toronto, Canada M5S 1A5

御批歷代通鑑輯覽 卷之七十二

減價糶。名曰常平倉。遂為永制。

秋七月。趙普卒。諡忠獻。

普卒。帝聞之震悼。謂近臣曰。普盡忠國家。真社稷臣也。

因出涕。廢朝五日。追封真定王。

普性深沉有岸谷。少習吏事。寡學術。及為相。太

祖勸以讀書。遂手不釋卷。每歸私第。闔戶啓篋。取書誦之。竟日。及次日臨政。處決如流。既卒。家人發篋視之。則

論語二十篇也。普嘗謂帝曰。臣有論語一部。以半部佐太祖定天下。以半部佐陛下致太平。

史臣曰。陳橋之事。人謂普及太宗先知其謀。理勢或然。事定之後。未嘗以勲舊自伐。及其當揆。獻可替否。優武累。豈其學力有限。而尚有患失之心歟。君子惜焉。

召終南隱士种放。

字名逸。洛陽人。不至。

放沉默好學。隱居終南。以講習為業。從學者眾。資以養

母。母亦能樂道。薄滋味。轉運使宋惟幹言其才行。詔使

中稱普其學及為相  
手不釋卷而篋中所攜不  
過論語一編然果身體而  
力行之則德行事業必有  
可觀而普於忠恕之教且  
未能服膺勿失則亦徒知  
記誦而已今乃云半部定  
天下半部致太平尤為鹵  
莽可笑



召之。其母恚曰。嘗勸汝勿聚徒講學。果爲人知。不得安處。我將棄汝。深入窮山矣。放乃稱疾不起。其母盡取其筆硯焚之。與放轉居窮僻。人迹罕至。帝嘉其節。命有司時加存問。

癸巳四年春二月己未朔日食。

置審官院。

初。帝慮中外官吏清濁混淆。命官考課。號磨勘院。至是改爲審官院。掌審京朝官。其幕職州縣官。別置考課院主之。

交州黎桓入貢。詔封爲交趾郡王。

桓遣使來貢。并上丁璿讓表。朝廷懲孫全興之敗。許之。

以桓爲靜海節度使。封交趾郡王。尋進封南平王。丁氏據安

南。凡三傳。爲

黎桓所篡。

青神

後周縣。今屬眉州。

民王小波作亂。

初蜀亡。其府庫之積。悉輸汴京。後任事者。競起功利。于

常賦外。更置博買務。禁商賈不得私市布帛。蜀地狹民

稠。耕稼不足以給。由是小民貧困。兼并者益糴賤販貴

以規利。青神民王小波。因聚衆爲亂。且曰。吾疾貧富不

均。今爲汝均之。貧者爭附。遂攻青神。掠彭山。唐縣。今屬眉州。殺

縣令齊元振。剖其腹。實之以錢。惡其誅求無厭也。賊黨

由是愈熾。旁邑響應。已而小波死。其黨李順擁衆寇掠

州縣多陷。

西川都巡檢使張玘。與小波戰。射中之。玘爲小波所殺。小波亦病創死。其黨推小波妻弟



李順為帥。眾至數十萬。

三月。以何承矩

字正則。繼筠之子。

為河北屯田制置使。

考宋史何承矩傳。端

拱元年。承矩請開河北屯田。詔以為制置使。河渠志。淳化四年春。詔何承矩等督戍兵開屯田。食貨志。承矩建議。連年沮者頗眾。會臨津令黃懋亦上書言之。乃以承矩為屯田使。二志畧同。與傳互異。續綱目依志。而採錄不詳。宋元通鑑依傳。而以黃懋上書并記于端拱元年。與志不合。今依續綱目書綱節採食貨志作目。而以河渠志所載塘濠諸水并注于後。

先是承矩上疏。請于順安砦

即順安軍。宋置。今保定府安州是。

西引易

河。

即易水。築堤為屯田。

承矩以為自順安西導水東注于海。資其陂澤。築堤貯水。可遏敵騎。

之奔軼。俟期歲間。關南諸泊播為稻田。收地利以寔邊。設險固以防塞。此禦戎之要策也。既而河朔

連年大水。承矩知雄州。又言宜因積潦蓄為陂塘。大作

稻田以足食。會臨津

唐縣。今改寧津。屬河間府。

令黃懋閩人上書言

EAST ASIAN LIBRARY  
UNIVERSITY OF TORONTO LIBRARY  
130 St. George Street  
4th Floor  
TORONTO, CANADA M5S 1A5

卷之七十一

卷之七十一

望

河北州軍多陂塘。引水溉田。功省易就。詔以承矩為屯

田使。懋為判官。發河北諸州戍兵萬八千人。給其役。于

是開塘灤。種稻田。凡雄莫霸州。平戎順安等軍。平戎軍。宋置。後

改保定。今順天府保定縣是。興堰六百里。取江南早稻種。課令種之。

初。承矩建議。沮者頗眾。及稻熟。承矩輦送闕下。議乃息。

而莞蒲蟹蛤之饒。民賴其利。河渠志。塘灤緣邊諸水所聚。因以限遼。其水東起滄

州界。拒海岸。黑龍港。西至乾寧軍。沿永濟河。合淀為一水。東起乾寧軍。西信安軍。永濟渠為一水。又西合諸淀

為一水。東起永濟渠。西至霸州。莫金口。合淀為一水。東

北起莫金口。西南保定軍。父母著。合淀為一水。東南起

保安軍。西北雄州。合淀為一水。東起雄州。西至順安軍

合淀為一水。東起順安軍。西邊吳淀。至保州。合諸淀為

一水。起安肅廣信軍之南。保州西北。畚沈苑。西為塘。曰

沈河泊。自保州西。合雞距。尚泉。為稻田。方田。曰西塘。泊

自何承矩。黃懋。開置。其後益增廣之。黑龍港。在今天

津府青縣西。乾寧軍。注見前。永濟河。即今衛河。信安軍



宋置。今爲鎮。在順天府永清縣東南。永濟渠在霸州東。莫金口。在霸州南。父母砦。在保定縣西北。保安軍。注見前邊。吳淀。在安州西南。今堙。沈苑河。今清苑河。古沈水也。水經注。沈水出蒲城西。又東南入徐。卽此。雞距泉。在滿城縣東。尚泉。亦曰一畝泉。在雞距泉北。二泉合流爲奇村河。

夏五月。以錢若水字澹成。一字長卿。河南新安人。爲翰林學士。

帝謂侍臣曰。學士之職。親切貴重。非他官可比。朕常恨不得爲之。又曰。士之學古入官。遭時得位。紆朱拖紫。足以爲榮矣。得不竭誠以報國乎。若水對曰。高尚之士。不以名位爲光寵。忠正之士。不以窮達易志操。其或以爵祿位遇之。故而效忠于上。中人以下者之所爲也。帝然之。

六月。張齊賢罷。以呂端參知政事。

殿中丞朱貽業與李沆有姻婭嘗為其同僚王延德名大

人求補郡沆言于齊賢齊賢以聞帝以延德嘗事晉邸

怒其不自陳而干執政召見詰責延德言未嘗有請齊

賢不欲援沆為證即自引咎遂坐免

以向敏中

字常之開封人張詠

字復之濮州甄城人

同知銀臺通進司

職官志知

司官二人兩制以上充

二司舊隸樞密院至是始以敏中詠同知司事隸門下

主視章奏案牘以稽出入蓋給事中之職也

張遜寇準免以柴禹錫知樞密院事劉昌言

字禹謨泉州南安人同

知院事

遜素與準不協一日準與溫仲舒並轡晚歸有狂民迎

狂民遮道妄呼與聽者何涉張遜執奏不過小人伎



倘準與之許辨已屬過當  
至互發其私爭論不已更  
失大臣之體矣

馬首呼萬歲。街使王賓許州許田人與遜雅相厚。因奏民迎  
準拜呼萬歲。準自辨云。實與仲舒同行。而遜令賓獨奏  
臣。因互發其私。帝惡之。乃左降遜為右領軍衛將軍。出  
準知青州。

秋八月丙辰朔日食。

十月河決澶州。

李昉賈黃中李沆溫仲舒罷。

自七月初雨。至是不止。京城廬舍多壞。陳頴宋毫間盜  
賊並起。商旅不行。帝以陰陽愆和。罪由公府。切責昉等  
曰。卿等盈車受俸。豈知野有餓莩乎。昉等慚懼拜伏。遂  
罷之。

EAST ASIAN LIBRARY  
UNIVERSITY OF TORONTO LIBRARY  
130 St. George Street  
5th Floor  
TORONTO, CANADA M5S 1A5

卷之十一

三

以呂蒙正同平章事。蘇易簡趙昌言參知政事。趙鎔向敏中同知樞密院事。

蒙正嘗因召對論及征伐。帝曰。朕比年征伐。蓋爲民除暴。苟好功黷武。則天下之人。燬亡盡矣。蒙正對曰。治國之要在內修政事。則遠人來歸。自致安靜。帝然之。易簡

在翰林八年。帝待之若賓友。

易簡嘗直禁中。以水試欬器。小黃門奏之。帝召問。卽

令取至便殿親試之。易簡進曰。臣聞日中則昃。月盈則虧。器滿則覆。物盛則衰。願陛下持盈守成。慎終如始。帝納之。舊制欲授台輔。必使天下稔其名望而後正位。易簡

以親老急于進用。因亟言時政得失。遂入政府。自是帝不復有欵接意。但正色責吏事而已。易簡悔之。時西北用兵。樞機之任。專主謀議。敏中明辨有才略。遇事敏速。



凡二邊道路斥堠走集之所。莫不周知。帝器之。

閏月。以陳恕爲三司總計使。

時復置三司使。而罷鹽鐵。戶部度支三使。分天下郡縣

爲十道。

曰河南。河東。關西。劍南。淮南。江南。東。西。浙東。西。廣南。

以京東爲左計。西爲

右計。恕爲總計使。魏羽

字垂天。歙州婺源人。

爲左計使。董儼

字望之。洛

陽人。爲右計使。中分十道以隸焉。而各道則署判官以領

其事。凡涉計度者。三使通議之。恕言官司各建。政令互出。難以經久。帝不聽。

周太后符氏卒。

甲午五年春正月。王小波黨李順陷成都。以宦者王繼恩爲

西川招安使。討之。

李順攻陷蜀邛州永康軍

宋置今成都府灌縣是

又陷漢彭州乘

勝攻成都轉運使樊知古知府郭載

字咸熙浚儀人

及官屬斬

關出奔梓州順入城據之僭號大蜀王遣其黨四出攻

剗州縣兩川大震帝議遣大臣撫諭趙昌言獨請發兵

急討無使滋蔓帝從之遣繼恩等分路進討以雷有終

字道成德驤子

爲峽路轉運使

宋以夔萬等州爲峽路續綱目通鑑俱誤作陝路今依宋史改

趙保吉寇靈州以李繼隆爲河西都部署討之

保吉徙綏州民于平夏

卽夏州唐時党項居夏州者號平夏部因名

部將高

文岷等因衆不樂反攻敗之保吉復圍堡砦掠居民焚

積聚遂攻靈州詔繼隆帥師討之

饑



饑民貧富室之粟固不可  
概與盜同科然或迫于飢  
寒強求升斗尚可量從矜  
恤若乘荒煽衆兼掠財物  
亦以飢民宥之則強暴肆  
行其風又可長乎惟在審  
情事之重輕分別科罪始  
得其當悉從末減之論未  
盡善也

先是京西浙饑民相率持杖投券富室取其粟皆坐彊盜棄市知秦州張榮獨取爲首者杖脊餘悉從杖以其事聞帝感悟下詔褒之至是遣使十七人分詣諸道巡撫帝謂之曰彼皆平民因饑取餓糧以圖活命耳宜悉從末減不可與彊盜同科

三月李繼隆入夏州執趙保忠赴京師

保忠聞繼隆將至先挈其母與妻子壁野外乃上言與保吉解怨獻馬乞罷兵帝覽奏立遣中使督繼隆進軍及師壓境保吉因夜襲保忠營欲併其衆保忠方寢聞難作單騎走還城其指揮使趙光嗣閉之別室開門迎繼隆繼隆執保忠送汴保吉遁去

保忠至汴詰責釋之封宥罪侯

夏四月。削趙保古姓名。墮夏州城。

帝以夏州深在沙漠。奸雄因以竊據。欲墮其城。呂蒙正曰。自赫連築城以來。頗爲關右之患。若遂廢之。萬世利也。乃詔墮之。遷其民於綏銀。

置起居院。

宋沿唐制。起居郎隸門下。舍人隸中書。至是始置院于禁中。

初。李昉監修國史。復時政記。至是。右諫議大夫張昞請

置起居院。修左右史之職。爲起居注。與時政記。逐月終

送史館。以備修日歷。上嘉之。乃置院于禁中。命梁周翰

字元褒。鄭州管城人。

等掌其事。周翰請以所撰先進御。後付史館。

從之。起居注進御始此。

時政記先進御。自昉始。起居注先進御。自周翰始。

五月。王繼恩復成都。獲李順誅之。



先是李順分遣數萬衆寇劍門。上官正字常清。開封人。爲都監。

麾下疲卒數百。因激以忠義。勇氣百倍。力戰以守。會

成都監軍宿翰兵至。正與之合。迎擊賊衆。大敗之。斬賊

幾盡。時朝廷聞蜀寇甚盛。深以棧道爲憂。正以孤軍破賊。于是閣道無壅。王師得以長驅而進。順又

遣其黨率衆二十萬圍梓州。知州事張雍德州人。都巡

檢使盧斌開封人。悉力禦之。初。雍聞賊起。集城中三千人。又募強勇千餘守城。斌適還

州。雍命之監軍。輦綿州金帛以寔帑藏。守械悉備。及賊至。攻之不克。凡八十日。王繼恩過

綿州。遣石知頴亦宦者。真定人。來援。賊不戰而潰。斌乘勝追斬

千兵。解閬州圍。至蓬州。復敗賊衆。繼恩遣內殿崇班曹

習破賊于老溪。綿州巡檢使胡正遠又進擊之。老溪

卽閬溪。在保寧府閬中縣西。入嘉陵江。遂復綿。閬。巴。蓬。劍。州。五月。繼恩至

成都。破賊十萬衆。斬首三萬級。獲李順。遂復成都。捷聞。

ASIAN LIBRARY  
UNIVERSITY OF TORONTO  
130 St. George Street  
TORONTO, CANADA M5S 1A5

御批歷代通鑑輯覽

五

詔以雷有終知成都府。尋降為益州。磔順等八人于鳳翔市。順黨張餘復陷嘉戎諸州。開州監軍秦傳序死之。餘轉攻夔州。為白繼贊所敗。上官正又屢破之。遂復雲安軍。餘亡走。明年都監宿翰獲餘于嘉州。蜀盜悉平。秦傳序江寧人。

秋七月李繼遷遣使來貢。

繼遷獻馬謝罪。又遣弟延信入覲。言違叛事出保忠。帝召見慰諭之。

高麗請伐契丹。詔諭止之。

高麗數為契丹侵掠。請擊之。帝以北邊甫寧。不欲為外夷開隙。詔撫慰之。自是不復入貢。

八月以王繼恩為宣政使。

中書以繼恩言蜀寇功。欲除宣徽使。帝曰。朕讀前代史。

內侍領兵仍唐弊政其後  
童貫梁師成之擅權寔由  
此開其端太宗雖不與宣



徽之除而命之領兵已屬  
乖舛作法于涼不能辭貽  
謀不善之責矣

不欲令宦官預政宣徽使執政之漸也止可授以他官  
宰相力言繼恩有大功非此不足以賞帝怒深責之乃  
命學士張洎錢若水議別立宣政使以授之  
張雍盧斌以守梓州  
功皆進秩  
考張雍盧斌同守梓州續綱目宋元通鑑錄雍削貳今依本傳增補  
以張詠知益州

蜀當寇掠之際民多脇從詠至諭以恩義使各歸田里  
且曰前日李順脇民為賊今日吾化賊為民不亦可乎  
有牒訴者詠灼見情偽立為判決人皆厭服其為政恩  
威並用蜀民畏而愛之  
先是城中屯兵尚三萬人無半  
月之食詠知民間舊苦鹽貴而  
廩有餘積乃下其估聽民以粟易鹽未踰月得米數十  
萬斛詠度有二歲儲乃奏罷陝西運糧帝聞之喜曰此  
人何事不能了吾無憂矣

既任以領兵之責必平日  
悉其為人豈有以反相一  
語之讒而罷其事者此較  
之漢光武信讒更為不及  
矣

以趙昌言爲川峽都部署尋罷知鳳翔府。

王繼恩在蜀不能戢衆郡縣多叛帝意頗厭兵召昌言  
謂曰西川本自一國太祖平之今三十年矣昌言知帝  
指卽前畫攻取之策帝喜命昌言爲川峽招安行營都  
部署自繼恩以下並受節制昌言旣行或奏昌言有反  
相不宜握兵入蜀恐後難制乃詔昌言駐鳳翔時昌言  
已至鳳州詔追及之因留候館不復進尋罷知鳳翔府

九月以襄王元侃

帝第三子  
卽眞宗

爲開封尹進封壽王

帝在位久儲貳未立馮拯

字道濟  
河陽人

等上疏言之帝怒斥

之嶺南中外無敢復言者寇準自青州召還入見帝曰

朕諸子孰可以付神器者寇準曰陛下爲天下擇君謀



及婦人中官不可也。唯陛下擇所以副天下望者。帝俛首久之。屏左右曰。襄王可乎。準曰。知子莫若父。聖意既以爲可。願卽決定。遂以元侃爲開封尹。進封壽王。以寇準參知政事。

先是。準旣罷知青州。帝念之不置。

謂左右曰。寇準在青州樂乎。左右揣帝意。

且復召用。因對曰。陛下思準不少忘。聞準日縱酒。未知亦念陛下否。帝默然。

至是召還。遂拜

參知政事。

冬十二月戊寅朔日食。

是日陰雪。羣臣以不食稱賀。

以陳恕爲鹽鐵使。

總計使果不便。乃罷之。復以三司兩京十道歸三部。各



置使以恕為鹽鐵使。時帝留意金穀，召三司吏李溥、河南

人等，詢以計司利害。溥等上七十一事，詔以四十四事

付有司行之。餘下恕等議，賜溥等金錢，悉補侍禁殿直。

帝語恕等曰：溥等于錢穀利病，自幼至長，寢處其中，必周知之。卿等但假以顏色，引令剖陳，必有所益。復賜三

司錢百萬，募吏能言本司不便者，令恕等量事大小賞之。恕將立茶法，召茶商數十

人，俾各條利害。恕閱之，第為三等。語副使宋太初，字永初，澤

州晉城人。曰：吾觀下等固滅裂無取，上等取利太深，不可行

于朝廷。惟中等公私皆濟，吾裁損之，可以經久。于是始

為三法行之。貨財流通，恕有心計，慮去宿弊，帝深器之。親題殿柱曰：真鹽鐵陳恕。恕每

便殿奉事，帝或未察，至形請讓。恕蹶蹐退至殿壁，俟帝意稍解，復進。愬執前論，終不易。帝亦多從之。



